تَعْلِيم ن سِيدِيْنغ عِيْسَى لْمَسِيح لَيْسَى لْمَسِيح لَكْتَاب ن مَرْقُس س ثَغُومَارِيث

سِيدْنَا يَحْيَى يتُوجَّاد أَزْرف إِ لْمَسِيح

لَّبْدُو ن لْإِنْجِيل ن عِيْسَى لْمَسِيح اَعيَّال ن ربِّي. 2 أَمْكَا يقر ث لكْتَاب ن نَبْي إِشَعْيَى:
 "ؤُمْرَغ يَان ن رَّسُوْل ئِنُو كُوْم نَّك،
 سمّن أ يتُوجّد اَزْرف نَّك.
 ٤ تَامْيَا تْبرَّاح-د كِي لخْلَا:

ئىيى ئىراخ-د ئىيى ئىمار . وجُّدَاوْث اَزْرف إِ سِيدِي ربِّي، سكْرَاوْث يزرْفَاون نَس نِيشَان ."

 4 ئِدًّا يَحْيَى دَار لِخْلَا. ئِتحدَّات خ مدّن سمَّان يتُوْبَان يتْطهّارن س وَامَان سمَّا يتْغفْرُو لْمُعْصِيَات نْسن، 5 تُوْنُوْن دَاغْرس شُكَّان كَامْلِين ن تَرْحَابْت ن يَهُوْدِيَا إِي شُكَّان كَامْلِين ن لمْدِينَا ن لْقُدْس، تقَّارِن س لمُعْصِيَات نْسن، يَحْيَى يَطْهَّار-اَهن س وَامَان كَ وَاسِيف ن لْأُرْدُن. 6 لحْوَايِج ن يَحْيَى تْسكْرُو زِكْ شْعَر ن لجْمل. كُ وَامَّاس نَس يَان لحْزَام ن لْجُلْد. ئِتت بُوْبْغل إِي تَامَامْت حُرَّا. 7 ئِتْحدَّات خ مدّن يقر: شفِيرِي شَا د يدُّو يَان ئِصْحَا فْخِي. مَا يَا سْتَاهلّغ شِي ن لْجلْد. ئِتت بُوْبْغل إِي تَامَامْت حُرَّا. 7 ئِتْحدَّات خ مدّن يقر: شفِيرِي شَا د يدُّو يَان ئِصْحَا فْخِي. مَا يَا سْتَاهلّغ شِي نَكِين أَ خْنِيغ سمّن أَ فَسْخِغ حَتَّى لَخْيُوْط ن صَبَّاط نَس. 8 نكِين طهّارغ-اَون س وَامَان، نتَّا شَاوَن ئِطهّار س رُوْح لَقُدُس.

سِيدْنَا يَحْيَى يتطهَّار سِيدِيْنغ عِيْسَى س وَامَان

⁹ كِي لْأَيُّامَاث إِهِن ئِدَّا-د عِيْسَى زِݣ لْبِيلَاج ن نَاصِرَا يدَّا-د دَار تَرْحَابْت ن لْجَلِيل، ئِطهَّار-اَه-يد يَحْيَى س وَامَان ݣ وَاسِيف ن لْأُرْدُن. ¹⁰ زْݣَا يعلَّا زِݣْ وَامَان، سَعَا يَزْرَا أَنَّا تفْتَاح، أَرُّوْح ن ربِّي تكُّزْ-د خْفس ئِسْكر غَايَام يَاه تَحْمَامْت. ¹¹ يَاه تَامْيَا زِكْ أَنَّا ثَقِّر: "كج اَعِيَّال ئِنُو لْمُحِبِّين، نكِّين فَرْحغ زْݣْكُك."

12 سَعَا يَبّ-اَث أَرُّوْح اَهِن دَار لَخْلَا. ¹³ ئِقِّيم دَاس اَرْبعِين يُوْم يَتْجَرَّاب-اَث شِّيطَان. نتَّا هَاوْ اَنَا تِيلَّان لُوْحُوْش، تُسخَّارِن خْفس لْمَلَائِكَاث.

سِيدِيْنغ عِيْسَى يِتْبرَّاح خ لمْحَاضْرَا نِّس لُّوْلِيِين

¹⁴ زْݣَا حبْسن يَحْيَى، ئِدَّا-ذ عِيْسَى يَكْشم دَار تَرْحَابْت ن لْجَلِيل ئِتْبشَّر دَاس س لْإِنْجِيل ن ربِّي. ¹⁵ ئِقِّر-اَسن: هَا لُوقْت تقَّل، لْمُلْك ن ربِّي يقَرِّب. تُوْبَاوْث، أَمْنَاوْث س لْإِنْجِيل.

16 عِيْسَى زْݣَاي ئِكِيلٌ ئِتخلَّاف خف لْمُوْجَا ن لبْحَر ن لْجَلِيل، ئِزَر سِمْعَان إِي كُمَاس أَنْدْرُس تْسَيَّابِن شَبْكَا ݣُ لَبْحَر اَزَال نِهْمَا تْحلَّاقِن مِدِّن. ¹⁸ يَنَّا-ٱسن عِيْسَى: "تَبْعَاوْث-آي، هَالَاو اَون رِّيْغ تْحلَّاقِن مدّن." ¹⁸ سَعَا سمْحن ݣُ شُّبَاكِي نْسن، تبْعن-ث. ¹⁹ ئِذْرَا شْوَاي كُوْم نِس، ئِزْرَا يَعْقُوْب إِي يُوْحَنَّا نِهْمَا لحْشَام ن زَبَدِي، هَام كُ لْبَاطِل سكَّارِن شَبَاكِي نُسن، تبْعن-ث. شَبَاكِي . ²⁰ سَعَا ئِبرَّح-اَسن عِيْسَى، سمْحن كُ بَابَا نُسن زَبَدِي ؤُهن أَ لَّا كُ لْبَاطِيل، إِيْذس لْخدَّامَا نِس، تبْعن-ث.

سِيدِيْنغ عِيْسَى يشُوْفُوغ يَان ن لْجنّ مَا يصْبَاح

²¹ كَشْمن دَار لْبِيلَاج ن كَفْرْنَاحُوْم. كِي نْهَار ن سَبْت ن لْعِبَادَا ئِكْشم عِيْسَى دَار ثَمَوْ كِيْذَا ن أَيت-إِسْرَائِيل ئِبْدَا يَتْعَلَّام، دَاس. ²² تْعجَّبن کْ تَعْلِيم نّس أَزَال نَتَّا غْرس لْقُدْرَا س مَا يَتْعلَّام، مَا يَلْ شِي غَايَام لْمُعَلِّمِين ن شَّرِيعَا. ²³ سَعَا وُفَان کُوت تُموْ كِيْدَا يَاهِن يَان ن بْنَاذِم كَأْس لْجنْ مَا يصْبَاح. ئِغوّث س لْجُهْد لْجنّ آهن يَنَّا-ٱس: ²⁴ "مَا كَ ئِخصَّان زْݣَانغ آ كُوت كُوت كُوبين، كَج عْظِيم زْغُو ربِّي." عَيْسَى نَّاصِرِي؟ كَا تدَّاد تقْضِي خَفْنغ؟ نكِّين شَّنغ-آكَ شْكُون كَدْجِين، كَج عْظِيم زْغُو ربِّي."

²⁵ ئِنْهَا-ث عِيْسَى يَنَّا-ٱس: "سْكُوْث كج، فُّوْغ زْݣُس!"

²⁶ ئِهزّ-اَث لْجنّ اَهن مَا يصْبَاح ئِغوّث س يَاه تمْيَا مْجهْدَا ئِفّغ-د زْݣُس. ²⁷ قِيمن كُلْشِي دهَّشن نَّان إِي بَعْطْتم: "أَش وِيهَاذ؟ تَّعلِّيم-اَذ جْدِيد، ݣَاس شُلْطَا! ئِتْأَمر حتَّى لجْنُوْن مَا يصبْحَن سكَّارِن-اَس اْرِّي." ²⁸ كِثِي تْسَاعَتْ اَهن ترّش لخْبَار نّس کُ كُل لْمُوْطَع ن لْجْوَايه ن لْجَلِيل.

سِيدِيْنغ عِيْسَى يتْدَاوَا تَتُوَالْت ن سِمْعَان

²⁹ زُكَا يَفّخ زَكْ تَمْزْكِثِيذَا اَهِن ئِدَّا دَار وخْيَام ن سِمْعَان إِذ أَنْدْرُس إِيْسن يَعْقُوْب إِي يُوْحَنَّا. ³⁰ يُوْفْ تَتُوَالْت ن سِمْعَان إِد أَنْدْرُس إِيْسن يَعْقُوْب إِي يُوْحَنَّا. ³⁰ يُوْفْ تَتُوالْت ن سِمْعَان أَنْ سُخَانَا. سَعَا عَوْذن-اَس خْفس. ³¹ ئِقَرّب دَاغْرس ئِمْزَا-ت زَكْ وفُوْس نَس ئِسْنكَّر-اَث. تفّغ زُكَاس سْخَانَا تكَّر تَبْذَا نَتَّاثَا تُسخَّار خَفْسن.

32 زْݣَا هْغلِّي ثَفُوْكْتْ ݣْ تَسْلِيوَسْت، بَّن-د دَاغْرس كُلْشِي لْمَعْدُوْمِين إِي لْمسْكُونِين س لجْنُوْن، ³³ نْجَمْعُو كَامْلِين لْجْمَاعَا ن لْبِيلَاج دَار تَكُُّوْرْت. ³⁴ ئِدَاوَا بِرَّاف ن مَعْدُوْمِين ݣَاسن لْأَنْوَاع ن لْأَمْرَاض. ئِسُوْفغ بِزَّاف ن لجْنُوْن، مَا يجَّا-اَهن شِي أَ سِّيوْلن اَزَال لجْنُوْن سَّنن مِين ئِلَّان.

35 أَلاَزُن نَّس بَكْرِي قَبل مَا يَا فَاوْذ لْحَال، ئِكَّر ئِفَّغ دَار يَان لْمُوْطَع خَاوِي، ئِتْزَالَّا دَاس. ³⁶ ئِتْعَيَان خْفس سِمْعَان إِي وْهِين أَ لَّا إِيْذس. ³⁷ زْݣَاي وُفَان-ث نَّان-اَس: "كُلْشِي يتْعَيَان خْفك."

38 ينَّا-ٱسن: "يَالَّاهُو إِيْذِي، أَ ندُّو دَار دُّشُوْرَا وِيَاط قْرِيبِين سَمَّا أَ حدُّثغ حتَّى دَاس. خ وِيهَاذ أَ دَّاغ." ³⁹ ئِدَّا يتْحدَّاث كِي تْمزْكْفِذَاون ن أَيت-إِسْرَائِيل کُ كُلْشِي تَرْحَابْت ن لْجَلِيل، ئِسُوْفُوْغ لجْنُوْن.

سِيدِيْنغ عِيْسَى يتْدَاوَا يَان مَعْدُوْم س لجْذَام

⁴⁰ ئِدَّا-د دَاغُو عِیْسَی یَان مَعْدُوْم س لَجْذَام. ئِحْصل خ ئِفَادّن نّس ئِحشّم-اَث ینَّا-اَس: "کج مْکِنِی تَحْتَاجت، دَا تُزمَّرت اَیِی تْصَافِیت."

41 ئِقِّيم ݣَاس عِيْسَى، ئِحَدَا-ث س وفُوْس نّس ينّا-ٱس: "يِيه نكِّين جْتَاجِغ، كج تشْفَات!"

42 كِنِي لْمُوْطَع ئِكَس-اَس لَجْذَام يقّل-د يصْفَا. ⁴³ سَعَا يُوْمَر-ث عِيْسَى ئِوصَّا-ث بزَّاف ⁴⁴ ينَّا-اُس: "عَاين، أَيْهَاذ مَا يَات نَّات إِ حَدّ، وَلَكِن اَنْدَّا دَاغُو لَفْقِي ظْهر-اَس إِخْفَل نَك، سْكَر صَّدَاقَا أَ لَّا ئِأَمر إِيْذُس مُوْسَى سَمَّا تِيلٌ غَرْسن شْهَادَا خ مِن ئِوقْعن."

⁴⁵ وَلَكِن نَتَّا شْوَا يَسْكُر؟ ئِدَّا يَقِّيم ئِتْسَاوَال بزَّاف، ئِسُوْفُوْغ لخْبَر حتَّى يقّل-د عِيْسَى مَا يزمَّر شِي أَ كُشم دَار لْبِيلَاج إِشِي بْلَا مَا يَا درّق شِي إِغْفل نَس. أَكْثِيلٌ لَابُدَا يتْغِيمَا ݣَ لَمْوَاطَع خَاوِيِين، وَلَكِن وَاخَّا هَمْكَان مدّن تُّوْتُون-د دَاغْرس دَار دَاس زَكْ كُلْشِي لَمْوَاطَع.

سِيدِيْنغ عِيْسَى يتْدَاوَا يَان ن لْعَدِيم

1 سْفِير شِي ن آيَّام، ئِقِّل-د عِيْسَى عَاوِذ دَاغُو لْبِيلَاج ن كَفَرْنَاحُوْم سَلَّن مَدِّن ئِلَّا هَاو کُ وخْيَام. 2 تْجَمْعُو دَّحْسَا لَ مَدِّن يَكَّار لْحَال مَا كَاين حَتَّى يَان ن لْمُوْطَع وَاخَّا كُوْم ن تَكُُّوْرْت. ئِتْسَاوَال إِيْسن عِيْسَى س لْهِدْرَا ن ربِّي. كَ مُدّن يَكَّار لْحَال مَا كَاين حَتَّى يَان ن لْمُوْطَع وَاخَّا كُوْم ن تَكُُّوْرْت. ئِتْسَاوَال إِيْسن عِيْسَى س لْهِدْرَا ن ربِّي. كَ أَدَّان يَان كُرَا ن مَدِّن، بَّان-اَس-د يَان ن لْعَدِيم روُّحن-ث س اَرْبعَا بِهِم س لفْرَاش نِّس. 4 مَا زمَّرن-اَس أَي يستكُشْمن دَاغُو لمَحَال دَاف رَال دَاس بَرَّاف ن مَدِّن. قلْعن اَصْتِيح شِي حَاجَا فَتْحن-ث، سَّاكُوْن لْعَدِيم اَهن خ لفْرَاش نِس دَاغُو لْمَحَال اَنَا يَلَّا عِيْسَى.

⁵ نِكُنَّا يَزَر عِيْسَى لْإِيمَان نْسن يَنَّا-ٱس إِ لْعَدِيم اَهن: "آ بْنِي، تْوَاغْفرُو لك لمْعَاصِي نَّك."

6 يَان كُرَا ن لْمُعَلِّمِين ن شَّرِيعَا أَ يُقِّيمن دَاسَ تُفكَّرن قَّرن ۖ ثَى ؤُلَاون نْسن: 7 "أَمْكَاد ئِتْسَاوَال بْنَادم-اَد هَامْكَاد؟ ئِقَّر لْهدْرَا مَا هصْبَاح خ ربِّني. شْكَا يزمَّر دَا يغْفَر لمْعَاصِي إِلَّا ربِّني بْ وَاحْدُو؟"

8 دغْيَا يسّن عِيْسَى كُثِي نَفْس نَس شُوَا تُفكَّرِن كُثِي لَعْقل نَسْن ينَّا-اَسن: "دَرَّمْن تُفكَّرَم هَامْكَا كُنَّا كُبِي لَعْقل نُّون؟ وَشُكَا أَ يْلًا سَاهل برَّاف كَا شَاس نِّغ إِ لْعَدِيم-أَذ: تُوَاغْفَرُو لك لمْعَاصِي نَك؟ كَا شَاس نِّغ: اْكُر اْرْفَع لفْرَاش نَك وَا اللهُ عَاصِي نَك؟ كَا شَاس نِّغ: اكْرُ ارْفَع لفْرَاش نَك وَا اللهُ وَا كَنْدَا؟ 10 نكِّين خصّ-اَيِي أَ شَنم بلِّي اَعيَّال ن بْنَادَم غْرس لْقُوَّا خ تَرْحَابْت سمَّا أَ يغْفَر لمْعَاصِي." هَاو يكَّر عِيْسَى ينَّا-اَس إِ لْعَدِيم اَهن: 11 "أَكُ نَغ، أَبْدذ خ يُطَارِن نَك اْرْفع لفْرَاش نَك اَنْدَا بْحَالْك دَار وخْيَام نَك!"

12 سَعَا ئِبْدذ خ ئِطارن نّس يرْفَع لفْرَاش نّس ئِفّغ كُوْم ن مدّن كَامْلِين. قِّيمن كُلْشِي دهٌّشن حمَّدن ربِّي نَّان: "عَمَّرْنَا مَا نْزَر اَيْهَاذ يوْقع قْبل!"

سِيدِيْنغ عِيْسَى يتْبرَّاح إِ لَاوِي

13 ئِفّخ عِیْسَی عَاوِذ دَار طَّارْف ن لبْحَر، اْدَّان-د دَاغْرس كَامْلِین دّحْسَا ن مدّن یتْعلَّام-اَهن دَاس. ¹⁴ أَمكَا یذْرَا زْدَاس، یُوْفَا لَاوِی اَعیّال ن حَلْفَی یقِّیم إِ لْمِیسَّا کِی لْمُوْطَع اَنَا تْخلَّاسن ضَّرِیبَا. ینَّا-اَس عِیْسَی: "تْبع-اَیِی-د." سَعَا یکَّر-د ئِتْبع-اَث.

15 ئِقِّيم عِيْسَى کُ وخْيَام ن لَاوِي، ئِتتْ نَتَّا إِي لَمْحَاضْرَا نَس. بزَّاف ن ئِعَشَّارِن إِذ ؤُهِينِ أَ لَّا عْصَان زَعْمَا قِيّمن تَّن إِيْدْس اَزَال بزَّاف ن مدّن أَ يْدَّان سْفِير-اَس. ¹⁶ شِي لْمُعَلِّمِين ن شَّرِيعَا زکْ لْحِزب ن يفَرِّيْسِيْين ؤُفَان عِيْسَى يتتْ إِي يعَشَّارِن إِي لْعُصْيَان زَعْمَا، نَّان إِ لَمْحَاضْرَا نَس: "دَرَّمن نتَّا يتتْ إِي يعَشَّارِن إِي وْهِيذِين أَ يْلَّا عَاصِين؟"

17 ئِسلًا-ٱسن عِيْسَى ينَّا-ٱسن: "إِ مدّن اَيْصْحَان مَا يخصّ-اَسن بُو طُّبِيب، طُّبِيب تحْتَاجَان-ث مدّن أَ يْلَانْ مَعْدُوْمِين." ينَّا-اَسن: "نكِّين مَا دَّاغ-د شِي اَذ برَّحِغ وُهِين أَ يْلَان مِزْيَانِين، دَّاغ-د دَاغُو وُهِين أَ يْلَّا عَاصِين."

سقْسَاين سِيدِينغ عِيْسَى خ صَّوْم

18 ثى لَّان لمْحَاضْرًا ن يَحْيَى إِي لمْحَاضْرًا ن لْحِزب ن يفَرِّيسِيْين نِهْمَا تْصُوْمَّان. دَّان-د مدّن دَاغُو عِيْسَى نَّان-اَس: الدَرِّمن لمْحَاضْرًا ن يَحْيَى إِي لمْحَاضْرَا ن لْجِزب ن يفَرِّيْسِيْين تْصُوْمَّان، لمْحَاضْرَا نَّكُ مَا تْصُوْمَّان شِي؟"

19 ينّا-أسن عِيْسَى: "ئِمدُوْكَال ن اَسْلَا، كَا شَا رَمْْن دَا صُوْمِّن كِي نَهار اَهن ن تَمغْرَا نَسِ؟ لَّا، زُكْي يتِيلٌ اَسْلَا إِيْسن مَا يرَمَّرن شِي أَ صُوْمِّن. 20 وَلَكِن شَا دُّو لِيَّام شَا رُفع اَسْلَا زَى وَامَّاس نُسن، ک تُسَاعَت اَهن دَا صُوْمِّن نْهَار اَهن. مَا يرَمَّرن شِي أَ صُوْمِّن يُترقَّاع لحْوَايج لْبَالِي س يَاه تَرقِّيعَت نَوْب ن جُدِيد. دَرَّمن؟ أَزَال تَرقِّيعَت اَهن ن تَوْب ن جُدِيد عَا كَاين حْتَاين ئِتْرقَّاع لحْوَايج لْبَالِي س يَاه تَرقِّيعَت ن تَوْب ن جُدِيد. دَرَّمن؟ أَزَال تَرقِّيعَت اَهن ن تَوْب ن جُدِيد ئِتكَس زْكِي لْبَاس اَهن لْبَالِي. سَعَا شَا قِيم اَشَرَى مَقُوْر! 22 حتَّى اَمَان ن وَاطِيل ن جُدِيد مَا خلُقن شِي كِي ئِتولَا كُثْن تِوْلَا كُثْن إِهِن. وَلَكِن اَمَان ن وَاطِيل ن وَاطِيل ن جُدِيد خلُقن يُولا كُثْن تِوْلَا كُثْن إِهِن. وَلَكِن اَمَان ن وَاطِيل ن جُدِيد خلُقن كِي يَوْلَا كُثْن ن جُدِيد.

شْوَا يلَّان حَلَال كِي نْهَار ن سّبْت ن لْعِبَادَا

²³ يَان نْهَار ن سَّبْت ن لْعِبَادَا، ئِذْرَا عِيْسَى كِي ثُزْرَفْت کُ وَامَّاس ن لْحبُّ، تُّوْثُوْن إِيْدْس لَمْحَاضْرَا نَس بْدَان تْقطَّاعن ثِيْدْرَان. ²⁴ نَّان-اَس لْبَعْض زَکْ لْحِرْب ن يفَرِّيسِيْين: "عَاين! لِيَّاش لَمْحَاضْرَا نَّكُ سَكَّارِن أَ يْلَّا حْرَام نْهَار ن سَّبْت ن لُعْنَادَا؟"

²⁵ ئِسَّاوْل إِيْسن عِيْسَى يَنَّا-ٱسن: "لِيَّا مَا قْرِيتُو شِي مَا يَسْكَر نَّبِي دَاود فَايْوخ اَي يَحْتَاج، يَلُّوْز نَتَّا إِي وِيلَّا إِيْدُس؟ ²⁶ ئِكْشم دَار تْمزْ كِيْذَا ن رَبِّي كِي زْمَان ن أَبْيَاثَار اَرَّايس ن لْفُقَاهَا، يُوْف دَاس اَغْرُوْم أَ يْلَّان کُ صَّدَّاقَا يَشَّا-ث يَفْكَا-اَسن إِ وْهِين أَ يْلَّا إِيْدْس وَاخَّا اَيْهِن مَا يلَّا شِي حُلَال غِير إِ لْفُقَاهَا."

²⁷ ئِسَّاوَال ينَّا-اَسن: "نْهَار ن سَبْت ن لْعِبَادَا يتْخلَّاق إِ سَّبَاب ن بْنَادم، مَاشِي بْنَادم اَي يتْخلُّقن إِ سَّبَاب ن نْهَار ن سَّبْت ن لْعِبَادَا." سَبْت ن لْعِبَادَا. ²⁸ أَزَال اَعِيَّال ن بْنَادم أَ يْلَّان لْحَاكم حتَّى خ نْهَار ن سَبْت ن لْعِبَادَا."

سِيدِيْنغ عِيْسَى يتْدَاوَاي يَان ورْݣَاز كْيِي نْهَار ن سّبْت ن لْعِبَادَا

1 ئِكْشُم عِیْسَی عَاوِذ دَار یَاه ن تُمزْکِیْذَا ن أَیت-إِسْرَائِیل یُوْفْ دَاس یَان ورْکَاز اَفُوْس نَس ئِمُّوْث. ² تْلَاحْضن كُوْفْ دَاس یَان ورْکَاز اَفُوْس نَس ئِمُّوْث. ² تْلَاحْضن كُوْفُ دَاس کَا شَاث ئِدَاوِي كَا لَّا کِثِي نْهَار ن سَبْت ن لْعِبَادَا سمَّا تَاهْمن-ث.

3 ينَّا-ٱس عِيْسَى إِ ورْݣَاز أَهِن أَ لَّا غْرِسَ اَفُوْس ئِمُّوْث: "بْدذ ݣ وَامَّاس." 4 ئِسَقْسَا-ٱهن عِيْسَى ينَّا-ٱسن: "وَاش حْلَال أَ نسْكر لْخِير ولَّا أَ نسْكر شَّرٌ كِي نْهَار ن لْعِبَادَا؟ وَاش أَ نْفلّت نَفْس اَوْلَا اَت ننُوْغ؟" وَلَكِن نِهْمَا سكْثن.

5 ئِعَاين ݣَاسن ئِعَلَّارُد اَدْمٌ، أَحْزَان اَزَال وُلَاون نْسن قَاسحِين. ينَّا-اُس إِ ورْݣَاز اَهن: "تْلق اَفُوْس نَّك." ئَسَرِّح-اَث، ئِقُلُوس نَّس يَصْحَا. 6 سَعَا فَغْن لْحِزب ن يفَرِّيْسِيْين جمْعن إِي مدّن ن لْحِزب ن لْمَلِك هِيرُوْدُس، بْدُوْن تْشَاوَارن اَمْكَا رَا كُنِّن سمَّا أَ نْغن عِيْسَى.

بزَّاف ن مدّن تبْعَان سِيدِيْنغ عِيْسَى

⁷ ئِفّغ عِيْسَى إِيْد لَمْحَاضْرَا نَس ئِكْر دَار طَّارْف ن لَبْحَر، تَبْعن-تن يَان ن لْعَدَد مَقُّوْر ن مدّن زَ ثُ تَرْحَابْت ن لْجَلِيل إِذ تَرْحَابْت ن يَهُوْدِيَا ⁸ إِذ لَمْدِينَا ن لْقُدْس إِذ تَرْحَابْت ن إِدُوْمْيَا إِذ قُكُمَّاط إِ وَاسِيف ن لْأُرْدُن، عَاوِذ زْكْي جِهَا ن صُوْرْ إِذ صَايْدَا. دَّان-د دَاغْرس دَّحْسَا ن مدّن فَايْوِخ أرِّين-د لخْبَر كُلْشِي آيْهِن ئِسْكر.

⁹ ينَّا-ٱسن عِيْسَى إِ لَمْحَاضْرَا نَس: وجُّدَاوْت-اَيِي يَان بُوِيْطْلَا سَمِّن مَا يَا يدحْسن شِي خْفِي لْغَاشِي-يَاذ. ¹⁰ أَزَال نَتَّا كَيْلُ يَتْدَاوَاي بِرَّاف ن مدّن حتَّى كَامْلِين وُهِين وِيلَّا كَاسن لحْرِيق دْحَاسن خْفس، حْتَاجن اَي حَادِين. ¹¹ لجْنُوْن أَ يُكِلُ يَتْدَاوَاي بِرَّاف ن مدّن حتَّى كَامْلِين وُهِين وِيلَّا كَاسن لحْرِيق دْحَاسن خْفس، حْتَاجن اَي حَادِين. ¹¹ لجْنُوْن أَ يُلَّان مَا يصبْحَن فَايُوخ مَا زُرَان عِيْسَى حصَّلن دَاغُو يطَارن نَس سكَّارِن لْغَوْط قُرْن: "كَج اَعيَّال ن ربِّي." ¹² وَلَكِن عِيْسَى بُوصًا-ٱهن بِأَكَّد خَفْسن سمَّا مَا يَا نَّان شِي شْكُون نتَّا.

سِيدِيْنغ عِيْسَى يخطَّر تنْعَاش ن رُسُل

سِيدِيْنغ عِيْسَى يتْوَاجَه وُهِين أَ يْلَّان ضد نّس

²⁰ ئِدَّا-د عِیْسَی دَار وخْیَام، جْتَمْعُو عَاوِذ دَّحْسَا ن مدّن حتَّی مَا یزمَّر عِیْسَی إِي لمْحَاضْرَا نّس مَا زمَّرن شِي أَ شّن اَغْرُوْم. ²¹ أَمْكَا سلَّان لحْبَاب نّس خ وِیهَا، دَّان-د سمّن اَيْ تَاوِین إِیْسن نَّان بلّیِ یدَّا-اُس لَعْقل.

²² لَمُعَلِّمِينَ نَ شَّرِيعًا أَ لَّا دَّانَ-د زَكَ لْقُدْس نَّانَ: "ݣَاس بْعَلْزَابُوْل اَرَّايس نَ لَجْنُوْن. ئِسُوْفُوْغ لَجْنُوْن أَزَال بْعَلْزَابُوْل يَعْلُزَابُوْل اَرَّايس نَ لَجْنُوْن. ئِسُوْفُوْغ لَجْنُوْن أَزَال بْعَلْزَابُوْل يَعْلُزَابُوْل اَرَّايس نَ لَجُهُد اَهِنَ."

23 ئِبرَّح فْخَاسِن عِيْسَى يسِّيول إِيْسِن س لْمَعُوْن يبَّا-اُسِن: "أَمْكَا يسكَّار شِّيطَان اَذ ئِسُوْفغ شِّيطَان؟ 24 لْممْلكا أَ يُكنَّسِن مْوَالِين نِّس يَان إِيْذ وَايط مَا هْزمَّر شِي أَ قِيم. 25 أَخْيَام أَ يْكنُّسِن مْوَالِين نِّس يَان إِيْذ وَايط مَا يزمَّر شِي أَ قِيم. 26 مُكِي شِّيطَان يكَّر قْضِي خ شِّيطَان، مَا يدُوْم شِي، دَا فْنَا. 27 مَا يزمَّر حَدّ ئِهْجم خ وخْيَام ن يَان إِشِي جُهْدِي سمّن اَس ئِتَاكَار اَيَان نِّس إِمْكِي يمْوَا-ث كِي لُّولِي، سَعَا شَاس ئِبُّ كُلْشِي أَ يلَّا غُرس کُ وخْيَام. 28 هَا تُسلَّم لْحَقّ: تْغَفْرُو اَس ئِتَاكَار اَيَان نِّس إِمْكِي يمْوَا-ث كِي لُولِي، سَعَا شَاس ئِبُّ كُلْشِي أَ يلَّا غُرس کُ وخْيَام. 28 هَا تُسلَّم لْحَقّ: تْغَفْرُو كُلْشِي لمْعَاصِي أَ يُسْكَارِن مدّن، ئِي كُلْ لْهدْرَا يَاهن مَا هصْبح اَي يقرن خ ربِّي. 29 وَلَكِن وُهن اَرَاد ئِنُّ لْهدْرَا إِشِي كُلْشِي لمْعَاصِي أَ يُسْكَارِن مدّن، ئِي كُلْ لْهدْرَا يَاهن مَا هصْبح اَي يقرن خ ربِّي. 29 وَلَكِن وُهن اَرَاد ئِنُّ لْهدْرَا إِشِي مَا هصْبح خ رُوْح لْقُدُس، مَا يَاس ئِغْفَر لَّا كِثِي دَّنْيَا-يَاذ لَّا كِثِي لْآخِيرَا." 30 أَزَال قُرْن بلِّي عِيْسَى ݣَاس يَان ن لْجنُّ مَا يُصْد.

31 ثدَّا-د دَاغْرس يمَّا نَس إِي اَيكْمَاس، بدْذن بَرَّا إِ وخْيَام ؤُمْرَن دَاغْرس برَّحن-اَس. ³² دَّحْسَا ن مدّن اَهن قَيمن دَوُّرن-ث نَّان-اَس: "يمَّا نَك إِي اَيكْمَاك إِي تَايْثْمَاثَا نَك هَام بَرَّا تُعَايَّانن خْفك." ³³ بِسِّيول ينَّا-اَسن: "شْوَا لَّان يمَّا إِي

اَيْثْمَا؟" ³⁴ ئِعَاين دَاغُو وهِين أَ لَّا ݣَالْسِين دَوْْرن-ث ينَّا-اُسن: "هَا يمَّا إِي اَيْثْمَا." ³⁵ ئِنَّا-اُسن: "ؤُهن اَي يسْكَارن أَ لَّا يحْتَاج ربِّي ؤُهن اَد ئِݣَان اَكْمَا إِذ وُلْثْمَا إِذ يمَّا."

لْمِعْنَى ن وُهن أ يْزْرُوْعن

المعاود ئِبْذَا عِيْسَى يَعْعَلَام إِطَّارْف ن لَبْحَر. نْجِمْعُو خْفس بِرَّاف ن مدّن، ئِكَرَّد نَتَّا يُوْنِي كُيي يَاه لْبَاطِل كُ وَامَّاس نَوْ وَامَان ئِقِيْم كَاس، مدّن قِيمن كَامْلِين كُ لْبَرُّ طَّارْف ن لَبْحَر. ² ئِنْعَلَّام-اَسن برَّاف ن لْمَسَائِيل س لمْعُوْن. يَنَّا-اَسن كُ وُعَلَّام نِس: 3 "سُوْسْمَاوْث، ئِقُوْغ يَان ن وُفلَّاح أَ زْرع. 4 زُكَاّي يِزْرُوْع، تْحصّل-اَس زَرِّعَا إِشِي إِطَّارْف ن تَوْرِيّفْت، اْدَّان-د ئِكُمْ طَاض شَّان-تث. 5 زَرِّيْعَا إِشِي تْحصّل-اَس بَاين اَزْرُو مَا دَاس شِي ن وَاكَال برَّاف. تمْغِي-د دغيًا أَزَال مَا هل شِي غَرْفَا كُ تَرْحَابْت برَّاف. 6 وَلَكِن زَكَا هَتْعَلَا تُفُوْكُت، تكُمط لُوقْت أَهن تكُوب أَزَال يَرُورَان نَس مَا كُرْن شِي كُ لْغُوْق ن تَرْحَابْت برَّاف. 7 زَرِّيْعَا إِشِي تُحصّل كُ وَامَّاس ن يسنَّانن. مْغِين-د إِيْدُس ئِسنَّانن إِهِن جِيَّفن-تث مَا كُرْن شِي كُ لْغُوْق ن تَرْحَابْت. 7 زَرِّيْعَا إِشِي تُحصّل كُ وَامَّاس ن يسنَّانن. مْغِين-د إِيْدُس ئِسنَّانن إِهِن جِيَّفن-تث مَا كُرْن شِي كُ لْغُوْق ن تَرْحَابْت. 7 زَرِّيْعَا إِشِي تُحصّل خ تَرْحَابْت مِزْيَانَا، تْعَلَّاد تغْمُر تسْكر تِيْدْرَان. لْبَاعْط سكرن تلاثِين، للْبَاعْط سكرن سِينَّان آ وُهن أَ يُتسْلَان." وَسَعَا ينَّا-اَسن عِيْسَى: "سُوْسم مَرْيَان آ وُهن أَ يُتسْلَلان."

لفْهَامَا ن لْمِعْنَى ن قُهن أَ يُزْرُوْعن

10 زْݣَاي عِيْسَى يَقِّيم بْ وَاحْدُو، سَقْسَان-ث وُهِين أَ يْدُوْرِن إِيْدَ تَنْعَاش ن لَمْحَاضْرَا خ لَمْعُوْن إِهِن. ¹¹ يَنَّا-ٱسن: "مَسْمُوْح إِكُنَّا أَ شَّنم أَ يَلَّا مْخبَّع كِثِي لْمُلْك ن رَبِّي. وُهِين زَكْ بَرَّا كُلْشِي تَاس-اَسْن س لَمْعُوْن وَاهَا:

12 'وَاخَّا زُرن، وَلَكِن مَا تُوَالَان شِي.

وَاخَّا سلَّان، مَا يَا فَهْمن شِي مَا يَا تُوْبِن شِي،

مَا تْغَفْرُو لُم شِي لْمَعَاصِي نْسن."

13 يَنَّا-اَسن: "مَا هْفَهْمَم شِي لْمِعَنَى-يَاذ؟ أَمَاكُ دَا فَهْمَم كَامْلِين لَمْعَانِي؟ ¹⁴ أَفَلَاح نتَّا يزرُّوْع لْهِدْرَا ن ربِّي. يُتْقلِّع شِيطَان دغْيَا يتكس لْهِدْرَا يَاهِن أَ لَا مِزْرُوْعَا كَأْسِن كُ وُوْل. ¹⁶ زَرِّيَّهُ عَايَام مدّن بَيسْلَان إِلْهِدْرَا ن ربِّي، قِبْلن-تث س لْفَرْحَا. كَأْسِن كُ وُوْل. ¹⁶ زَرِّيعًا يَاهِن أَي يحصَّلن بَاين يؤرَان نتَّاثًا غَايَام مدّن أَ يْتسْلَان إِلْهِدْرَا ن ربِّي، قَبْلن-تث س لْفَرْحَا. أَمْكَا تِيثُونْت لَمْحَاين إِشِي اَو لَعْدَاب إِشِي خ شَبَاب ن لْهِدْرَا ن ربِّي، وَلَان ربِّي، وَلَان وبِي، وَلَان وبِي، وَلَان وبِي، وَلَان وبِي، وَلَان وبِي، وَلَان وبِي، واللهِ عَلَى اللهِ عَلَى اللهُ عَلَى اللهِ اللهِ عَلَى اللهِ عَلَى اللهِ اللهِ عَلَى اللهِ عَلَى اللهِ عَلَى اللهِ اللهِ اللهِ اللهِ اللهِ عَلَى اللهِ عَلَى اللهِ عَلَى اللهِ اللهِ اللهِ اللهِ عَلَى اللهِ اللهُ اللهُ اللهِ ا

لْمِعْنَى ن لْكَانْكِي

²¹ ينّا-ٱسن: "حْتَاين مَا يَبُّ لْكَانْكِي سمَّا دَا قُلْب اَخْفَس تَوغْلَالْت أَو اَث ئِسْكُر زْدُو شُرِير؛ لَّا، ئِسكّر-اَث خ لْمَرْفَاع. ²² كُلْشِي أَ يلَّا مْخَمِّس شَا نفْضح. ²³ سُوْسم مزْيَان آ وُهن أَ يْتَسْلَان." ²⁴ ينّا-ٱسن: "رِّيَاوْث لْبَال نُّوْن شُوَا هِتْسلَّام. لَعْبَر أَ لَّا تْخَدَّم وُهن أَ لَّا شَا يخدّم إِذُوْن ربِّي أُو عَاذ كُتَار. ²⁵ أَزَال وُهن اَ كُوس يَرنُّو-اَس. وَلَكِن وُهن أَ لَّا مَا غْرس شِي، ئِتكس-اَس أَ لَّا غْرس."

لْمِعْنَى ن زَّرِّيعَا هْتغْمُوْر

²⁶ ينًا-ٱسن عِيْسَى عَاوذ: "لْمُلْك ن ربِّي ئِسْكر غَايَام يَان ن بْنَادم ئِزْرُوْع زَّرِّيعَا کُ تَرْحَابْت. ²⁵ ئِتطَّص کُ بلّيل ئِتكَّر کُ صْبَاح ئِتَاف زَّرِّيعَا تْعَلَا-د تغْمُوْر. نتَّا مَا يسّن شِي اَمْكَا أَك يَوْقَع أَيْهَاذ. ²⁸ أَزَال تَرْحَابْت هَتَّاك ثِقُوْقَا نس. نتَّاثَا کُ کُ صْبَاح ئِتَاف زَّرِّيعَا تْعَلَا-د تغْمُوْر. نتَّا مَا يسّن شِي اَمْكَا أَك يَوْقَع أَيْهَاذ. ²⁸ أَزَال تَرْحَابْت هَتَّاك ثِقُوْقَا نس. نتَّاثَا کُ لُولِي تُمغِّي-د، تقل تِيْذْرَان، تِيْذْرَان إِهِن تُكَارِن س تْقُوْقَا. ²⁹ وَلَكِن غِير يوْجد لْحبٌ، كِي لُوقْت أَهن دَا فُوْغ أَ مْݣَار أَزِل لُوقْت ن ومْݣَار ئِلْكَام-د."

لْمِعْنَى ن أورْذَال

30 ينّا-اًسن عَاوذ: "كُمّن أَ يْشْبَاه لْمُلْك ن ربِّي؟ أُوْلَا سمَّا أَ يْنْقلّد؟ 31 لْمُلْك ن ربِّي ئِسْكر غَايَام يَان ن زَرِّيعَا ن يَان نَوْ يَعْوَ نَوْدَال. أَمْكَا يرَّازن ثُ تَرْحَابْت، ئِتِيلٌ مُرِّي خف كُلْشِي ثِقُوْقَا أَ يلَّان ثُ تَرْحَابْت. ³² وَلَكِن نُوْع ن اَرْبِيع قُرن-اَس اَورْذَال. أَمْكَا يرَّازن ثُ تَرْحَابْت، ئِتِيلٌ مُرِّي خف كُلْشِي ثِقُوْقاً أَ يلَّان ثُ تَرْحَابْت. ³² وَلَكِن اَمْكَا يَرَّازن-ت، تْتَغْمُوْر تقل د مُوْقَرْث ز ثُ كُلْشِي اَرِّبِيع ن دَّمْنَا ئِسْكَار يفَاتّن مُوْقَرْث. حتَّى يكُطْاض تُوْثُوْن-د سْكَارن ثَاس لَعْوَاش نُسن ثُ ظَل نس."

33 ئِتْسَاوَال عِیْسَی اِي مدّن بزَّاف ن لمْعُوْن غَایَام ؤُهِین خ لَاحْسَاب أَ یْزِمَّرِن أَ یْفهْمن. ³⁴ مَا یَتْسَاوَال شِي اِیْسن اِلَّا س لمْعُوْن، وَلَکِن لمْحَاضْرَا نَس ئِفهّم-اَهن مْلِیح اَمْکَا أَ یْتِیلْ إِیْسن بْ وَاحْدُو.

سِيدِينغ عِيْسَى يغلَّان لبْحَر

يَان ݣَاس لجْنُوْن ݣَ تَرْحَابْت ن يجَرِيثِيْين

1 يُوْكِي عِيْسَى دَار وُكُمَّاط ن لبْحَر دَار تَرْحَابْت ن يجَرِيثِيْنِ. 2 أَمْكَا بُرسْ زَكُ لْبَاطِل يُوْفْ يَان ورْكَان كَاسِ عُ يَرُوْكَان. مَا يزمّر حْتَايِن اَث بِعُوْنٌ وَاخَّا س سْنَاسل. 4 بزَّاف لَ لْجَنُّ مَا يَصْبَاح بُِدَّا-د زَكْ يَرُوْكَان. 3 سَاكن دَاس كُ يَرُوْكَان. مَا يزمّر حْتَايِن اَث بِعُوْنٌ وَاخَّا س سْنَاسل إِي لقْتِينَا، وَلَكِن بِتْقطّع سْنَاسل بِتَارَزٌ لقْتِينَا. مَا يزمّر حْتَايِن نَ لْمَرَّات تُشكَّالن-ث زْكُ بِفَاسِّن إِذ بِطَارِن س سْنَاسل إِي لقْتِينَا، وَلَكِن بِتْقطّع سْنَاسل بِتَارَزٌ لقْتِينَا. مَا يزمّر حْتَايِن اَتْ بُعرُوْح إِغْفل نَس س وزْرُو. 6 أَمْكَا يزَرْ عِيْسَى زَكِي اللهُ عَلَيْن بُعْدَر لْغَاوْت بِتْجَرُّوْح إِغْفل نَس س وزْرُو. 6 أَمْكَا يزَرْ عِيْسَى زَكِي اللهُ عَلِي، شُوَا لُبُعْد، بِجرَّا دَاغْرِس بِسجّد-اَس. 7 بِسِّيول س يَاه ن تمْيَا مْجهْدَا ينَّا-اَس: "آ عِيْسَى اَعَيَّال ن ربِّي أَ يلَّا عَلِي، شُوَا لُبْعَد، بُحرَّا دَاغْرس بِسجّد-اَس. 7 بِسِّيول س يَاه ن تمْيَا مُجهْدَا ينَّا-اَس: "آ عِيْسَى اَعَيَّال ن ربِّي أَ يلَّا عَالِي، شُوَا هُو بُحْدَا بَا يَعْدُبت شِي!" 8 ينَّا اَيْهَا أَزَال عِيْسَى اَكُ بُلُّ ينَّا-اَس: "آ لُجنٌ مَا يُعِيْ رَكُ ورْݣَاز-أَذ!"

9 ئِسَّقْسَا-ت عِيْسَى ينَّا-آس: "أَمْكَا آهْ قَرن-آك؟"

ينَّا-اُس: "نك قَرن-اَيِي 'أَنْغُوْر' أَزَال نُكْنَا بِرَّاف بِنَا." ¹⁰ ئِحشّم-اَث بِزَّاف سمَّا مَا يَان يمَرْ شِي بَرَّا كِي لْجِهَا يَاهن. ¹¹ كِي لُوقْت اَهن دَاس يَان تَنْغِيَّارْت تَيْمُوقْرِن ن ئِلْفَان تفْرذ كِي اَغِيلٌ. ¹² طلْبن زْݣَاس لجْنُوْن إِهِن نَّان-اَس: "وُمَر-اَنغ دَاغُوْر ئِلْفَان-ين سمَّا أَ نكْشم ݣَاسن." ¹³ زْݣِي يجّ-اَهن، فَعْن لجْنُوْن إِهِن مَا صبْحَن كشْمن ݣَ يلْفَان إِهِن. ترَّال تَنْغِيَّارْت اَهن ن ئِلْفَان تكُّرْن خف اَغِيلٌ دَار لبْحَر تَغْرق دَاس. أَكْيلُ لْعَدَد نْسن عْلَاين اَلْفَاين.

¹⁴ ؤُهِين آي كَسِّن روْلن سُوْفْغن لَخْبَار كِي لَمْدِينَا إِذ دُّشُوْرَا. فُغن-د مدّن سمَّا أَ تُوَالَانْ شُوَا يَوْقَع. ¹⁵ دَّان-د دَاغُو عِيْسَى وُفَان اَرْݣَاز اَهن أَكْيِلْ ݣَاس برَّاف ن لَجْنُوْن ئِسْكر دُّرَابِل نَس ئِقِيم ئِصْحَا س لْعَقل نَس كَسُوْطَان برَّاف. ¹⁶ خبْرن-تن لَشْهُوْد شُوَا يَوْقَع إِ يلْفَان. ¹⁷ بُدَان طْلُوْبن زْݣَاس سمَّا ئِبعّد زْݣَاسن زَكْ لْجِهَا نْسن.

18 أَمْكَا اكْثِيلٌ ئِتَانِّي كُبِي لْبَاطِل، ئِطْلب زْݣَاس اَرْݣَار اَهن أَلَّا اكْثِيلْ ݣَاس لجْنُوْن ينَّا-اُس: "اجّ-اَيِي أَ دُّوْغ إِيْذك." أَوْكَا وَلَكِن عِيْسَى مَا يحْتَاج شِي، ينَّا-اُس: "أَنْدَا دَار وخْيَام نَّك إِي لحْبَاب نَّك خبر-اَهن اَي اَكْ ئِسْكر سِيدِي ربِّي أَمْكَا ذ ئِرْحم-اَك." ²⁰ ئِدَّا اَرْݣَاز اَهن ئِبْدَا يتْخبَّار كِي لْإِقْلِيم إِمِي قَرْن دِكَاپُوْلِس شُوَا س ئِسْكر عِيْسَى. قِيمن مدّن إهِن كَامْلِين مَبْهُوْضِين.

سِيدِيْنغ عِيْسَى يصَحّح تَعيّالْت ن يَكْرُوْس

²¹ أَمْكَا يقل-د عِيْسَى كِي لْبَاطِل دَار لْجِهَا يَاهِن أَ د يدَّان، نْجَمْعُو خْفس دَّحْسَا ن مدَّن مقُّرث خ لْمَوْجَا ن لبْحَر. ²² ئِدَّا-د دَاغْرس يَان زَ کُ رُّوْيَاس ن تُمزْ كِيْذَا ن أَيت-إِسْرَائِيل قُّرن-اَس يَكْرُوْس. أَمْكَا يزَر عِيْسَى يحْصل-اَس دَار ئِطَارِن ²² ئِدَّا-د دَاغْرس يَان زَ کُ رُّوْيَاس ن تُمزَّ كِيْذَا ن أَيت-إِسْرَائِيل قُرْن-اَس يَكُنُرُوْس. أَمْكَا يزَر عِيْسَى يحْصل-اَس دَار ئِطَارِن نَّس ²³ ئِدُو تَايمزِّين تُمتَّاث. هَالَا أَ سْرسْ خْفس ئِفَاسِّن نَّك سمَّا دَا صْحُو دَا عِيش. ²⁴ ئِدَّا إِيْذَس تَبْعُو-ه دَّحْسَا ن مدّن تُزَّامِن فْخَاس.

²⁵ دَاس يَاه ثَمْغَارْث تنْعَاش لْعَام زْكِي تْهلَّاك هَاي تْجرَّاي زْدَاس اَدَمٌّ. ²⁶ تْعدُّبث نتَّاثَا بزَّاف خ فِفَاسّن ن بزَّاف ن اَطِيبَاء. هْضيَّاع كُلْشِي أَ يلَّا غْرس لمْتَاع بْلَا نْفَع، وَاخَّا هَامْكَان لْحَالَا نّس ترْنَا. ²⁷ هَتسْلَا خ عِيْسَى هَتْبع-ث إِي دَّحْسَا ن مدَّن تُحَادِي-يَاس اَسلْهَام نَس. ²⁸ تَنَّا کُ وُوْل نَس اَمْکِي حَادَغ-اَس غِير اَسلْهَام نَس دَا صْحُوْغ. ²⁹ کِي لُوقْت اَهن تصْحَا کُ لْمُوْطَع، تسّن إِلَّا لْبَدَان نَس ئِصْحَا زِکْ لْأَمْرَاض إِهِن.

30 عِيْسَى حَسَّ س نَّفْس نَس يَان ن لْجُهْد نَس ئِفَّغ، ئِقْلَب دَاغُو دَّحْسَا يَاهن ن مدَّن ينَّا-اَسن: "شْكَا يحَادن دُّرَابل نُو؟"

31 نَّان-اَس لمْحَاضْرَا نَس: "زَر ششْحَال ن مدّن دْهَا تْزحَّامن خْفْك ئِي كَج ثَقَّرت: شْكَا أَي يحَادَان؟"

³² وَلَكِن ئِقِّيم عَاذ ئِتْعَيَان هَامْكَا إِي هَامْكَا سمَّا دَا زَر وَا يْݣَان آيْهنَ. ³³ أَمْكَا آي تسّن ثَمْغَارْث آهن شْوَا يَوْقَع ثَكْصُوْط كَاترْعش، تَدَّا-د تحْصل دَاغُو يطَارِن نّس تْعَاوذ-اَس كُلْشِي لْحَقِيقَا. ³⁴ ينَّا-اُس: "آ تَعيَّالْت ئِنُو، كم لْإِيمَان نّم يصحَّا-اَم. نْدَاه ݣ لْأَمَان، تْصَحَّات زِكْ لْمَرْط نّم."

35 زُكَّاي عَاذ ئِتْسَاوَال عِيْسَى، دَّان-د شِين ن مدّن زِکْ وخْيَام ن اَرَّايس اَهن ن تْمزْكِيْذَا نَّان-اَس: "تَعيَّالْت نَك كج تَمُّوْث، دَرَّمن عَاذ تْسدَّاعت لْمُعَلِّيم؟"

36 ئِسْلَا-ٱسن عِیْسَی شُوَا قُرْن، ینّا-ٱس إِ ٱرَّایس اَهن ن تُمزْکِیذَا: "مَا یَا کُصُوْطَات شِي! خصّ-اَك اَمْنت وَاهَا."

37 زْدَاس مَا يَجُّ حْتَاين اَث ئِتْبِع، ئِتْبِع-اَث غِير بُطْرُس إِذ يَعْقُوْب إِذ يُوْحَنَّا وُلكْمَاس ن يَعْقُوْب. ³⁸ زْكِي لكْمن دَار وخْيَام ن اَرَّايس اَهن ن تْمزْكِيْذَا، ئِتْوَالَا عِيْسَى دَاس لْهَرَاج إِذ مدّن تْرُوْن تْغُوَاتْن برَّاف. ³⁹ زْݣَا يكْشم ينَّا-اَسن: "دَرَّمن تَتْرُوْم؟ هَا تَعَيَّالْت مَا همُّوْث شِي، تطّص وَاهَا!"

40 ضصّن خْفس، ئِكَّر عِيْسَى يسُوْفغ-اَهن كَامْلِين زْذَاس. ئِبٌّ إِيْذس دَار دَاس بَابَا نَس إِذ يمَّا نَس ن تْعَيَّالْت اَهن إِي فُوهِين أَ يدَّان إِيْذس، ئِكْشم اَنَا هلُّ تْعَيَّالْت اَهن. ⁴¹ ئِمْرُ-اَت زِکْ وفُوْس إِ تْعَيَّالْت اَهن ينَّا-اَس: طَالِيثَا قُوْمِي، يعْنِي آ تَعَيَّالْت كُرُ.

⁴² سَعَا تكَّر تَعيَّالْت اَهن تبْذَا تْخلَّاف. غْرس تنْعَاش اَلْعَام. قِّيمن تْعجَّابن بزَّاف. ⁴³ بِوصَّا-اَهن عِيْسَى بزَّاف ينَّا-اَسن مَا يَا عَاوْذِم إِ حَدِّ اَيَاذ يوْقع. عَاوِذ ينَّا-اَسن فْكَاوْث-اَس اَ شّ.

تَازُّلن خف سِيدِيْنغ عِيْسَى زَثْ لْبِيلَاج نّس

4 يَقْعَ زْدَاسَ عِيْسَى يَقِّلَ-د دَار تَرْحَابْت نَسَ، تبْعن-ث لَمْحَاضْرَا نَسَ. 2 كِي نْهَار ن سَبْت ن لْعِبَادَا، ئِبْدَا يَتْعَلَّام كُيْ يَعْنَى يَقُلَ د دَار تَرْحَابْت نَسَ، تبْعن-ث لَمْحَاضْرَا نَسَ. 2 كَيْ يَهُوْ اَيْهِن؟ شُوَا كُي يُمْ يُوف اَيْهِن؟ شُوَا عَيْل ن مَرْيَم، هَاللّ لَفْهَمَا-يَاذ أَلّا تَفْكَا-اُس؟ أَمْكَا يَسْكُر لْمُعْجِيزَاث-إِذ أَلّا وقْعن خ ئِفّاسن نَس؟ 3 مَاشِي وُهَاد نَجَّار اَعَيَّال ن مَرْيَم، وُلُكُمَاس فَام دُهَادِين إِيْنغ؟" خ آيْهِن مَا قَبْلن-ث شِي. وُلُكْمَاس نَ يَعْقُوْب إِي يُوسِيْس إِي يَهُوْذَا إِي سِمْعَان، أَيكُمَاس هَام دُهَادِين إِيْنغ؟" خ آيْهِن مَا قَبْلن-ث شِي. 4 يَنَّا-اُسن عِيْسَى: "نَبِي محْتَارِم اَنَا مَا يَلْ، وَلَكِن كِثِي لْبِيلَاج نَس إِي لَحْبَاب نَس إِذ اَخْيَام نَس لَا!" 5 مَا يزمّر شِي أَلْ سُكُر دَاس لُمُعْجِيزَا، غِير ئِحَادَا شُويْوش أَلَّا مَعْدُوْمِين س ئِفَاسَن نَس ئِدَاوَا-يَاهِن. 6 ئِطَبْهِت أَزَال لْإِيمَان نُسن دْعِيف. شكر دَاس لُمُعْجِيزَا، غِير ئِحَادَا شُويْوش أَلَّا مَعْدُوْمِين س ئِفَاسَن نَس ئِدَاوَا-يَاهِن. 6 ئِطَبْهِت أَزَال لْإِيمَان نُسن دْعِيف. زُدَاس ئِدَا يَتْعَلَّم زَتْ دُّشَار دَار دُّشَار أَلَّ لَا قَيْب خُفس دَاس.

سِيدِيْنغ عِيْسَى يُوْمَر-د رُسُل أَ حدُّثن

⁷ ئِبرّح عِيْسَى خف تنْعَاش ن رُّسُل يُوْمر-اَهن-د ثْنَاين ثْنَاين، ئِفْكَا-اَسن شُلْطَا دَا حكَّمن خف لجْنُوْن مَا يصبْحن. ⁸ ئِوصَّا-اَهن يَنَّا-اَسن: "مَا يَبّم وَالُو إِذُون کُ ئِزْرف، بَّاوِث إِذُون غِير اَعُوْكَاز. مَا يَا بّم إِذُون لَا يَاغْرُوْم لَا تَارْيَالْت لَا يَتَّالَ اَسن: "مَا يَبّم وَالُو إِذُون کُ ئِزْرف، بَّاوِث إِذُون غِير اَعُوْكَاز. مَا يَا بّم إِذُون لَا يَاغْرُوْم لَا تَارْيَالْت لَا نَحْم شِي تْنَاين ن شُّوَاهَار." ¹⁰ يَنَّا-اَسن: "أَنَا مَا هْكَشْم دَار وخْيَام إِشِي لَحْزَام نُوْن. ⁹ اَوَّاوْث سَبَّاط، مَا يَا كُم شِي تْنَاين ن شُّوَاهَار." ¹⁰ ينَّا-اَسن: "أَنَا مَا هْكَشْم دَار وخْيَام إِشِي اَوْلا مَا حْتَاجِن أَ سُوسْمن خْفُوْن، إِشِي مَا قَبْلن-اَون شِي كِي لْمُوْطَع إِشِي اَوْلا مَا حْتَاجِن أَ سُوسْمن خْفُوْن، اَقْعَام يَان ن شُهَاذَا خفْسن."

¹² كُّرن نِهْمَا دَّان تْحدَّاثن خ مدّن سمَّا دَا تُوْبن. ¹³ سَافْغن-د بزَّاف ن لجْنُوْن، ذهْنن إِ بزَّاف ن لْمَعْدُوْمِين س زِّيت لِدَاوَايَان-تن.

لْمَوْت ن سِيدْنَا يَحْيَى

لَمَلِك هِيْرُوْدُس يرِّي-د لخْبَار شْوَا يسْكر عِيْسَى أَزَال لْإِسم نَس يقلد مَعْرُوْف بزَّاف. دَاس شِي ن مدّن قَرن ؤُهَاد يعْنِي يَحْيَى اَهن، ئِكّرد نتّا زْكِي لْمَوْت! س وهَاد أَ لَّا غْرس جُهْدِي يسْكَار إِيْدْس لْمُعْجِيزَاث-إِد.

¹⁵ يَان يقَّر لَّا ؤُهَاذ نَّبِي يَاهِن إِلْيَاسِ.

يَان ئِقَّر لَّا وُهَاد يَان نَّبِي غَايَام يَان زِكُ لْأَنْبِيَا إِهِن اَيقْذِيمِين.

16 لْمَلِكَ هِيرُوْدُس زْݣَاي يسلّْ اَيْهَاد، ينَّا ؤُهَاد يَحْيَى يَاهن أَ لَّا قَتْعغ-اَس دّْمَاغ، هَاو يكّر-د زْݣِي لْمَوْت!

18-17 فَبْل زُكِي أَيْهَاد لْمَلِك هِيْرُوْدُس ئِمْلُك س يَاه تَمطُّوْت لْإِسم نِّس هِيرُوْدِيَا. لْمَلِك هِيْرُوْدُس نَّا اَلُّوْس ن هِيرُوْدِيَا. أَمْلِك هِيْرُوْدُس نَّا اَلُّوْس ن هِيرُوْدِيَا. أَمْلِك هِيْرُوْدُس أَ مْزَن يَحْيَى زْݣَاي كِيْلْ يَقَر-اَس: حْرَام كَج دَا بَّت ثَمطُّوْث ن أَنْ تَا تَا قَبْل ثَمَطُّوْت ن فِيلِيَّاس. يُوْمَر-د هِيْرُوْدُس أَ مْزَن يَحْيَى زْݣَاي كِيْلْ يَقَر-اَس: حْرَام كَج دَا بَّت ثَمطُّوْث ن كُمْ الله عَلْمُ وَيَا تَسْكَر كَاس طَّايْوَان نِس تحْتَاج أَي تُنُوْغ وَلَكِن مَا هُزمِّر شِي. 20 دَرَّمن؟ أَزَال لْمَلِك هِيْرُوْدُس ئِتكْصَاط زِكْ يَحْيَى. ئِسِّن بلِّي نتَّا يَان ن ورْݣَاز مَعْقُوْل، صَافِي. ئِحمَّا-يَاث هِيْرُوْدُس، ئِتْعدْجَاب أَزَال لْمَلِك هِيْرُوْدُس ئِتكْصَاط زِكْ يَحْيَى. ئِسِّن بلِّي نتَّا يَان ن ورْݣَاز مَعْقُوْل، صَافِي. ئِحمَّا-يَاث هِيْرُوْدُس، ئِتْعدْجَاب زُكَاس زُكَا يتْحدَّاث وَلَكِن ئِتْغِيمَا مَبْهُوْط كَاس بزَّاف.

²¹ تدًّا-اُس لْفُرْصَا إِ هِيْرُوْدِيَا زْݣَا يَسْكُر لْمَلِكَ هِيْرُوْدُس لْعِيد لْمِلَاد إِغْفَل نَس ئِسْكُر لْعَشَا إِ اَيْمُوْقَّرَن نَس إِي رُّوْيَاس نَ لَعَسْكَار إِذَ اَيْمُوْقَّرَن نَ تَرْحَابْت نَ لْجَلِيل. ²² تكْشم تَعَيَّالْت نَ هِيْرُوْدِيَا تْشطَّاح، ئِعدْجب-اَس لْحَال إِ لْمَلِك إِي ضَّيَاف لْعَسْكَار إِذَ اَيْمُوْقَّرَن نَ تَرْحَابْت نَ لْجَلِيل. ²² تكْشم تَعَيَّالْت نَ هِيْرُوْدِيَا تْشطَّاح، ئِعدْجب-اَس لْحَال إِ لْمَلِك إِي ضَّيَاف نِس يَنَّا-اُس: "شُوَا هطلْبت نَس. يَنَّا-اُس لْمَلِك إِ تُعيَّالْت اَهن: "طلب-اَيِي اَيَّا هُحتَّاجت، دَاغم دَ فْكَاغ-ث." ²³ ئِكَانَا-اُس يَنَّا-اُس: "شُوا هطلْبت زُكَاي دَاغُم تَفْكَاغ-ث، وَاخَّا نَص نَ لْمَمْلَكَا يَنُو."

24 تفّع تنّا-أس إِ يمّا نّس: "مَا رَاس طلْبغ؟"

تنَّا-ٱس يمَّا نَّس: "حْتَاجِع دُّمَاغ ن يَحْيَى."

²⁵ سَعَا تقّل-د دغْيَا دَاغُو لْمَلِكُ، طَلبت زْݣَاس تنّا-اُس: "أَمِيلًا حْتَاجِعْ أَي تفْكت خ سِّينْيَا دُّمَاغِ ن يَحْيَى!" ²⁶ بِحْزِن لْمَلِك بزَّاف وَلَكِن يكُّأ-اُس رِّي أَزَال يكُلَّا-اُس كُُوْم ن ضَّيَاف نَس. ⁷⁷ سَعَا لْمَلِك يُوْمَر-د يَان لْعَسَّاس دَار لحْبس، لْمَلِك بزَّاف وَلَكِن يكُّأ-اُس رِّي أَزَال يكُلَّا-اُس كُُوْم ن ضَّينَاف نَس. ⁷⁵ سَعَا لْمَلِك يُوْمَر-د يَان لْعَسَّاس دَار لحْبس، وَ يَحْيَى عَلَى اللهِ عَسَّاس اَهِن بِقَتِّع دُّمَاغِ ن يَحْيَى كِثِي لحْبس. ²⁸ بُتِ-اَه-د كِي سِّينْيَا،

ئِفْكَا-اَس-ث إِ تْعَيَّالْت اَهن، تَعَيَّالْت اَهن تفْكَا-اَس-ث إِ يمَّا نَس. ²⁹ زْݣَاي سلَّان لمْحَاضْرَا ن يَحْيَى أَيْهَاذ، دَّان-د رفْعن دَّات نَس ؤُوّن-تث کُ وزْكَّا.

سِيدِيْنغ عِيْسَى يوكّل خمْسَالَاف ن يرْݣَازن

30 جمْعن رُّسُل إِذ عِيْسَى عوْذن-اَس خف كُلْشِي أَيسْكُرن إِي كُلْشِي أَيْعلَّمن. ³¹ بزَّاف ن مدّن تَّيثُوْن-د تقُّلن-د. عِيْسَى إِي لَمْحَاضْرَا نَس مَا وْفَان شِي لُوقْت وَاخَّا أَ شِّن. خ أَيْهَاذ ينَّا-اَسن: "هَالَاوْث بْ وَاحدِيَاثْكُم دَار يَان ن لْمُوْطَع خَالِي تَقِيم شُويْوش." ³² دَّان بْ وَاحْدِيَاتُهم كِي لْبَاطِيل دَار يَان لْمُوْطَع خَالِي. ³³ زُرَان-ثن بزَّاف ن مدّن زْكَا دَّان. وَخُلِي تَقِيم شُويْوش." ³⁴ دَّان بُوف يَبِيلَاجن إِهِن تَازُلن كَامْلِين دَار دَاس خ يطارن نُسن، زْوِيرَان-تن دَار لْمُوطَع اَهن. ³⁴ زُكُ يَسْمَى زُكِي لْبَاطِيل يُوف دَّحْسَا ن مدّن اَهن، قَيمن كَاس أَزَال كَان عَايَام ئِبَرِيْنِين مَا غَرْسن شِي اَثن بِيْدَا يَتْعَلَّم-اَهن بِرَّاف ن لحُوايج.

35 زُكْتِي يذْرًا لْحَال، قَرَّبن دَاغْرس لمْحَاضْرًا نَس نَّان-اَس: "لْحَال يذْرًا، لْمُوْطَع-اَذ لخْلَا وَاهَا. ³⁶ وُمَر-د مدّن-إِذ دَار دُشُورًا ئِي دَار ئِخْيَامن أَ لَّا قْرِيبِين أَ سْغُوْن مَا يَا شّن."

37 ئِرِّي-د خَفْسن عِيْسَى ينَّا-اًسن: "فْكَاوِث-اَسن كُنَّا أَ شَّن."

نَّان-اَس: "كَاش أَ ندُّو نُكْنَا أَ نْسُوْغ اَغْرُوْم س مْيَاثَاين ن لْبِيَّاسَات ن نُتَّقْرَا، شَا نفْكَا-اُسن أَ شَّن؟"

38 ينَّا-ٱسن: "شْحَال غْرُوْن ن وغْرُوْم؟ ندَّاوث أَ زْرم."

أُدَّان وُفَان شُحَال نَّان-اَس: "غَرْنغ خمْسَا ن ئِخبَّاز إِي ثْنَاين ن ئِملْحن."

³⁹ ئِكَّر-د عِيْسَى ئِأَمر-اَهن سمَّا دَا سْغِيمَان-تن كَامْلِين لْفُرَاق خ رَّبِيع خْدَر. ⁴⁰ سَعَا قِيمن مْݣَالس خَمْسِين خَمْسِين، مُيَا مْيَا. ⁴¹ ئِرُوَّاح خَمْسَا إِهِن ن ئِخبَّاز إِي ثْنَاين إِهِن ن ئِملْحن ئِروَّاح طَّايْوَان نَس دَار اْنَّا ئِشْكَر رَبِّي، ئِكْسَر اَغْرُوْم اَهن يَفْكَا-اَسن-ت إِ لَمْحَاضْرَا نَس إِيْ ثْنَاين ن ئِملْحن إِهِن سمَّا دَا فَرَقن-تن خ مدّن إِهِن كَامْلِين. ⁴² شَّن اُجُّوْنن كَامْلِين. ⁴³ سَعَا رفْعن تنْعَاش ن تِرْيَالن عَمَّرن س وغْرُوْم أَ يْشَاطِّن إِذ يْملْحن. ⁴⁴ لْعَدَد اَي شَّن اَغْرُوْم اَهن نِهْمَا خَمْسَالَاف ن يَرْكَاذن. يَ ثَنَان عَمَّرن س وغْرُوْم أَ يْشَاطِّن إِذ يْملْحن. ⁴⁴ لْعَدَد اَي شَّن اَغْرُوْم اَهن نِهْمَا خَمْسَالَاف ن يَرْكَان.

سِيدِيْنغ عِيْسَى يتُّوْثُو خ يبْحُوْرن ن لبْحَر

⁴⁵ سَعَا عِيْسَى ئِستَّاي لَمْحَاصْرَا نَس كِي لْبَاطِيل سمَّا تَاكِين دَار ؤُكُمَّاط دَار لْبِيلَاج ن بَيْت صَيْدَا، نتَّا يَتُودَّاع دَّحْسَا ن مدّن. ⁴⁶ رُكِي يودَّاع-اَهن، نتَّا يدَّا دَار اَغِيلُّ دَا رُّولُلُّ. ⁴⁷ کُ وُسْلِيْوس لْبَاطِيل هَاي کُ وَامَّاس ن لبْحَر، نتَّا هَاو كِي لُبَرْ بُ وَاحْدِيَاثُو. ⁴⁸ يُور-اَهن تْقدَّافن، تْعدَّابن أَزَال اَرْوَاح يتْصُوْط زْكِي لْجِهَا تايط. زْكِي عْلاين ئِقرَّب لفْجَر، ئِدًا عِيْسَى دَاغُو لمْحَاضْرَا نَس يَتُّوثُو خ يطارن نَس خ وَامَان ن لبْحَر ئِحْتَاج اَن يزْوِير. ⁴⁹ زْكَاي وُفَان-ث يتُّوثُو خ وَامَان ن لبْحَر، وَلَعْتَاج اَن يزْوِير. ⁴⁹ زْكَاي وُفَان-ث يتُّوثُو خ وَامَان ن لبْحَر، ئِحْتَاج اَن يزْوِير. ⁴⁹ زْكَاي وُفَان-ث يتُّوثُو خ وَامَان ن لبْحَر، أَحْتَاج اَن يزْوِير. ⁴⁹ زْكَاي وُفَان-ث يتُّوثُو خ وَامَان ن لبْحَر، أَحْتَاج اَن يزْوِير. ⁴⁰ زُكُاي وُفَان-ث يتُّوثُو خ وَامَان ن لبْحَر، أَحْتَاج اَن يزْوِير. ⁴⁰ زُكُاي وُفَان-ث يتُّوثُو خ وَامَان ن لبْحَر، أَحْتَاج اَن يزْوِير. ⁴⁰ زُكُاي وُفَان-ث يتُوثُو خ وَامَان ن لبْحَر، أَوْد بُويْن الْقَاقِ فِي نَوْس نَسْن الْعَوْنُ فَى أَوْلُ كُلُونِ يَلْمِ لَيْتُ مِيْدَا الْعَلْمُ مِن شِي لُمُعْجِيزَا يَاهِن ن وغُرُوم، وُلُاون نُسن قَسَّحن.

سِيدِيْنغ عِيْسَى يتْدَاوَا بزَّاف ن مدّن ک لَجْوَايَه ن كَنيسَارَات

53 ئِوْكِي-د عِيْسَى إِ لَمْحَاضْرَا نِّس لَبْحَر، لُوْكُمن دَار تَرْحَابْت ن كَنْيسَارَات قُّنن دَاس لْبَاطِيل. 54 زْݣَا رْسن زْݣِي لْبَاطِيل، سَعَا مْوَالِين ن تَرْحَابْت اَهِن ؤُكْرِن عِيْسَى. 55 تَازْلن كُلْشِي زِكْ تَرْحَابْت اَهِن، بْدَان تَاوِين لْمَعْدُوْمِين خ لفْرَاش لْبَاطِيل، سَعَا مْوَالِين ن تَرْحَابْت اَهِن فُكْرُن عِيْسَى. 55 تَازْلن كُلْشِي زِكْ تَرْحَابْت اَهِن، بْدَان تَاوِين لْمَعْدُوْمِين خ لفْرَاش اَنْ سَالُون فَيْ اللَّهُ مُنْ مُنْ اللَّهُ مُنْ اللَّهُ مُنْ اللَّهُ مُنْ مُنْ اللَّهُ مُنْ اللَّهُ مُنْ اللَّهُ مُنْ اللَّهُ مُنْ اللَّهُ مُنْ اللَّهُ مَنْ اللَّهُ مُنْ اللَّهُ مُنْ أَوْلا لَمْ لُون اللَّهُ مُنْ أَلِي اللَّهُ اللَّهُ مُنْ اللَّهُ اللَّهُ اللَّهُ مُنْ اللَّهُ مُنْ اللَّهُ اللَّهُ مُنْ اللَّهُ اللَّهُ اللَّهُ اللَّهُ اللَّهُ اللَّهُ مُنْ اللَّهُ مُنْ اللَّهُ مُنْ اللَّهُ اللَّهُ اللَّهُ اللَّهُ اللَّهُ اللْمُنْ اللَّهُ مُنْ اللَّهُ اللَّهُ اللَّهُ اللَّهُ اللَّهُ اللْمُنْ اللَّهُ الللَّهُ اللَّهُ اللَّهُ اللَّهُ اللَّهُ اللَّهُ اللَّهُ اللَّهُ اللللْمُ اللَّهُ اللَّلُولُ الللْمُولُ الللْمُ اللَّلُولُولُ اللَّلُولُولُ اللَّهُ اللَّهُ اللَّهُ الللْمُ اللَّ

لْعَادَاتْ إِهِن مَا د دَّانْت شِي زْغُو ربِّي

لَ الْحِزب ن يفَرِّيسِيْين إِي كُوْرَا ن لمُعَلِّمِين ن شَّرِيعَا زَكُ لْقُدْس نْجَمْعُو خ عِيْسَى. 2 زُرَان آي كُوْرَا لَمْحَاضُرَا نَس تَتَن آغُرُوْم بْلَا مَا يَسِيردن يفَاسِّن، يعْنِي بْلَا مَا يكُّن لُوْضُو آهن. 3 أَزَال يفَرِّيسِيْين د أَيت-إِسْرَائِيل كَامْلِين مْكِي تَتَن آغُرُوْم بْلَا مَا يَسِيردن يفَاسِّن، يعْنِي بْلَا مَا يكُّن لُوْضُو آهن. 3 أَزَال يفَرِّي سُوْق، مَا تَتَن شِي أَزَال مُؤَان بزَّاف كِي لُعَادَاث ن لجْدُوْد نُسن. 4 فَايُوخ مَا قُلن-د زْكِي شُوْق، مُكِي مَا سِيرْدن شِي مَا رَا شِّن شِي. بزَّاف ن لحْوَايج وِيَاط آي تَبْعَن، علْمن-تن تَامْرُن-تن أُو صَافِي، غَايَام لغْسِيل ن لُكِسَان إِي لغْرَارَف إِي لقْشُوْع ن نَجَّاس إِي لغْطَا.

5 سّقْسَان-ث ئِفَرِّيسِيْين إِي كُرًا ن لمُعَلِّمِين ن شَّرِيعَا نَّان-اَس: "دَرَّمن لمْحَاضْرَا نَّك مَا يكُّن شِي لْعَادَاث ن لجْدُوْد نّغ؟ دَرَّمن مَا يسِيرْدن شِي يفَاسّن نْسن قْبل مَا يشّن اَغْرُوْم؟"

6 ينَّا-ٱسن عِيْسَى: "آ لْمُوْنَافِقِين! رَا نَّبِي إِشْعَيَاء ينَّا لْحَقّْ فَايْوخ ئِسِّيول خ يَان ن زْمَان:

شُّعْب-اَذ ئِتْوقَّار-اَي س لْهدْرَا وَاهَا،

وَلَكِن ؤُوْل نِّس بْعِيذ خْفِي.

7 مدّن-إِذ عبّدن-اَي كُ لخْوا،

أَزَال تْعَلَّامن لْمَسَائِيل

أً يْلَّان لُوْصِيَات ن بْنَادُم وَاهَا.

8 كُنَّا تجَّام لُوْصِيَاث ن ربِّي، تمْزَام ث لْعَادَاث ن مدّن ؤ صَافِي." 9 ينَّا-ٱسن عَاوذ: "إِيوَا! تُبطَّالم لُوْصَايَا ن ربِّي سمَّا اَد قِيمنْت لْعَادَاث نُوْن! 10 مُوْسَى، شْوَا ينَّا؟ ينَّا: وقَّر بَابَا نَّك إِي يمَّا نَّك. ؤهن أ يْزبُّلن بَابَا نَس اَو يمَّا نَس، بِحصْ-اَس أَ مُوْث. 11-12 وَلَكِن كُنَّا تقُّرم مَاشِي وَا لَابُدَا مدّن أ وقُّرن اَو عَوْنن لْوَالِدِين نُسن. لفْلُوْس أ رَا فْكن إ لْوَالِدِين نُسن أ مُوْث. 11-12 وَلَكِن كُنَّا تقُّرم مَاشِي وَا لَابُدَا مدّن أ وقُرن اَو عَوْنن لْوَالِدِين نُسن. لفْلُوْس أ رَا فْكن إ لْوَالِدِين نُسن أ نَفْن أ مُقْتَل أَمْ يُوْن أ هَعْعَلُم فَوْسَى أَلُول اللهِ مَعْنَا ن لْهدْرَا ن ربِّي سمَّا اَرَا ثُمّ اَرَاون يعْجب لْحَال س لْعَادَاث نُوْن أ هَعْعَلُم . تَسْكَاره بَرَّاف ن لْمَسَائِيل غَايَام وُهِين."

¹⁴ ئِبرّح عِيْسَى عَاوِذ إِ دَّحْسَا-يَاذ ن مدّن ينَّا-اَسن: "سُوْسْمَاوْث خْفِي كَامْلِين إِذُوْن، فَهْمَاوْث: ¹⁵ وَاش دَاس لْحَجَا إِشِي أَ يُكْتْشْمن كُ بْنَاذم زَكْ بَرَّا هَات تْحَرَّام-اَه-يد؟ لَّا، وَالُو. وُ لَّا يَتفَّغن زَكْ بْنَاذم اَيْهِن أَ لَّا تُحَرَّامن-ث. ¹⁶ {سُوْسم مزْيَان آ وُهِن أَ يْتَسْلَان!}

لْإِيمَان ن تمْغَارْت ن أَيت-كَنْعَان

²⁴ ئِكَّر عِيْسَى يقلّع زْدَاس ئِدَّا دَار لْجْوَايه ن لَمْدِينَا ن صُوْر ئِكْشُم دَار يَان ؤُخْيَام. ئِحْتَاج مَا يَاث يسّن حدّ بلِّي هَاو دَاس وَلَكِن مدّن اَرِّين-د لخْبَار دغْيَا هدَّا-د دَاغُو عَيْسَى تحْسل-اَس دَار يطارن نَس. ²⁶ تَمْغَارْت اَهن يُوْنَانِيَا، لْأَصل نَس زَتْ سُوْرْيَا فِنِيقْيَا. تطلب زْݣَاس بزَّاف سمَّا اَد ئِشُوْفُوغ لْجنّ اَهن أَ لَا مَا يصْبح زَتْ تَعَيَّالْت نَس.

²⁷ ينًا-اًس عِيْسَى: "اجٌّ لحْشَام بَعْدَا دَا أَجُّوْنن. مَا يلٌّ شِي مَعْقُوْل ئِتكَس اَغْرُوْم إِ لحْشَام ئِتْسيَّاب دَار يطَّان." ²⁸ تَرَّا-د خْفس تمْغَارْت اَهن تنَّا-اُس: "غْرِكْ لْحَقْ آسِيدِي، وَلَكِن حتَّى يطَّان إِهِن ؤُهِين أَ لَّان زْدُو طَيْفُوْر تتّن ئِفتَّاث ن وغْرُوْم أَ لَّا يحصّل زَثْ لحْشَام."

²⁹ ينَّا-ٱس عِيْسَى: "خ لَاحْسَاب لْهِدْرَا اَه تنَّات كمِّين، اَنْدَا هَا لْجنّ اَهن فِقّغ زَكْ تْعَيَّالْت نّم." ³⁰ زْݣَا هقّل-د دَار وُخْيَام نّس، تُوْفَا تَعَيَّالْت نّس مُورْكَا كِي لفْرَاش نّس فِقُّوْغ زْݣَاس لْجنّ اَهن.

سِيدِيْنغ عِيْسَى ئِتْدَاوَا يَان صْمكْ

³¹ يَقْنَعْ-د عَاوِذ عِيْسَى رَكُ لُجْوَايه اَهِن ن صُوْر ئِذْرَا خ ترْحَابْت ن صَيْدَا، ئِدَّا دَار لَبْحَر ن لْجَلِيل إِي لْإِقْلِيم اَهِن اَس قُرْن دِيكَا پْلِس. ³² بَّان-اَس-د يَان صْمَك زَايْزُوْنِي، طلْبن دَار عِيْسَى أَ سْرَس فْخس اَفُوْس نِّس. ³³ ئِبعد-اَث عِيْسَى، ئِحَادَا-اَس خف دّحْسَا ن مدّن كِي يَاه أُجِّهَا تَايِط، ئِسْكر يِطُو كُضَان نِّس ثُ ئِمرْ ثَان ن ورْثَاز اَهن. ئِسُوْسف عِيْسَى، ئِحَادَا-اَس ئِلس نِّس. ³⁴ ئِرْفع طَّايْوَان نِّس دَار اَنَّا يَتْهِيڤا يَنَّا: "إِفَاتَح!" (لْهدْرَا-يَاذ ئِحْتَاج دَا اَنَّ فَتْحن.) ³⁵ كِي لُوقْت اَهن دَاوَاو يَمرْ ثَان نِّس غِطْلق ئِلس نِّس، ئِبْدَا يَتْسَاوَال نِيْشَان. ³⁶ ئِوصًّا-اَهن يَنَّا-اَسن مَا يَنَّام أَيْهَاذ إِ حْتَاين. وَلَكِن نِهْمَا ششْحَال مَا يَوْسَا-اَهن خَبْرن خُفس بِرَّاف. ³⁷ تُعجَّبن بِرَّاف نَّان: "كُلْشِي أَ يْسْكر ئِصْبح. يَرَّازْ-د حتَّى صَمْكِين تسْلَان، حتَّى مَمْكِين تسْلَان، حتَّى وَيَازَن تُسَاوَالن."

سِيدِيْنغ عِيْسَى يوكل أرْبعَالَاف ن مدّن

1 كِنِي لْأَيَامَاتْ إِهِن، جْتَمْعن خْفس عَاوِذ دَّحْسَا ن مدَّن ئِي نِهْمَا مَا غَرْسن مَا يَا تتَّن. ئِبرِّح عِيْسَى خف لمْحَاضْرَا تس ينَّا-ٱسن: ² "قِيمن ݣَاي مدّن-إِذ، تلْتِيَّام إِذِي مَا غرْسن مَا يَا تتّن. ³ أَمْكِي ؤُمْرَغ-ثن دَار يخْيَامن نْسن مَا شّن شِي شَا نِرْفن کُ ئِزْرف، كَايَن لْبَعْضْ زْݣَاسن دَّان-د زَكْ لْبُعْد."

4 نَّان-اَس لمْحَاضْرَا نَّس: "كِي لخْلا-يَاذ أَنَا شَا نُوْفْ أَغْرُوْم سمَّا أَرَا نُوكِّل مدّن-إِذ كَامْلِين؟"

5 ينَّا-ٱسن عِيْسَى: "شْحَال غْرُوْن ن وغْرُوْم؟"

نَّان-اَس: "غرْنغ سبْعَا ن تِيوْنَافن."

⁶ بِأُمر عِیْسَی دّحْسَا یَاهن ن مدّن اَد قیّمن کِی ترْحَابْت، ئِمزْ سبْعَا إِهِن ن بِیوْنَافن ئِشکَّر ربِّی، ئِکْسر-اَهن ئِفْك-اَسن-تن إِ لمْحَاضْرَا نّس دَا تْفَرْقن-تن إِ مدّن إِهِن. سَعَا فرْقن-تن. ⁷ غرْسن دَاس عَاوِذ بَعْض ن ئِملْحَان مزِّین. عِیْسَی اَسن-تن إِ لمْحَاضْرَا نّس دَا تُفَرْقن-تن إِ مدّن-إِذ." ⁸ شَّان اْجُوْنن، شطّن سبْعَا ن بِرْیَالن عمَّرن إِ یوْکْسَار. ⁹ کَلَّان مَا سُی یَنّا-اَسن: "فرْقَاوْث حتَّی أَیْهَاذ خ مدّن-إِذ." ⁸ شَّان اْجُوْنن، شطّن سبْعَا ن بِرْیَالن عمَّرن إِ یوْکْسَار. ⁹ کَلَّان دَاس شِی اَرْبِعَالَاف ن مدّن. زْدَاس یودّع-اَهن قلْعن-د. ¹⁰ سَعَا ئِوْنَا عِیْسَی کِی یَاه لْبَاطِل إِی لمْحَاضْرَا نّس ئِقلّع دَار لجُوایه ن دَلْمَانْیُوْثَا.

مدّن مَا سّنن شِي شُوَا لّان لْمُعْجِيزَات ن سِيدِيْنغ عِيْسَى

11 دَّان-د دَاغُو عِيْسَى لْحِزب ن يفَرِّيسِيْين بْدَان كُنْسن إِيْدْس، طلْبن زْݣَاس يَاه لْعَلَامَا تَيْمُوْقْرْن زَكْ أَنَّا سمَّا دَا يُجَرَّبن-ث. 1² ئِكْمط وُل نّس بزَّاف ينَّا-ٱسن: "دَرَّمن مدّن ن وَاسّ-أً طْلُوْبن لْعَلَامَا تَيْمُوْقَّرْن؟ هَا تُسلَّام لْحَقّ: مدّن ن وَاسّ-أً مَا رَاسن فْكن شِي لْعَلَامَا تَيْمُوْقُرْن ݣَاع."

13 ئِجَّا-هن عِيْسَى ئِونَّا كِي لْبَاطِل يدَّا دَار وُكُمَّاط ن لبْحَر. 14 لمْحَاضْرَا تُّوْن اَغْرُوْم مَا بّن شِي، غرْسن غِي يَاه تَوْنفْت وَاهَا كِي لْبَاطِل. 15 ئِوصَّا-هن عِيْسَى ينَّا-اَسن: "عَاين! حضْيَاوْث إِغْفل نُّوْن زِكْ تَمْثُوْنْت ن لْجِزب ن يفَرِّيسِيْين إِي تَمْثُوْنْت ن لْمَلِك هِيرُوْدُس."

أَدُان سَّاوَالن إِي بَعْطِيَاتُم نَّان نُكْنَا مَا غَرْنغ شِي دْهَادِين بُوْ اَغْرُوْم.

 17 ئِسِّن عِيْسَى خمَّاه تْسَاوَالن يَنَّا-ٱسن: "دَرَّمْن هَقْرُم مَا غَرْنغ بُوْي اَغْرُوْم؟ كَا بَاقِي مَا هَشْنم شِي؟ وَاش بَاقِي مَا هُفَهْمم شِي؟ وُلَاون نُّوْن قَسُّحن أَو لَّا؟ 18 غُرُوْن طَّايْوَان، مَا هُوَرِّم شِي أَو لَّا؟ غُرُوْن يمزْݣَان، مَا هَتْسُلَام شِي أَو لَّا؟ هَا غُرُوْن يمزْݣَان، مَا هتْسُلَام شِي أَو لَا؟ هَا هُرُوّم شِي 19 وَلَا عُرُوْن يمزُكَان مَا همَّال مِن يوْكُسَار اللا هُمَّارِم شِي 19 وَلَان أَهكَّارِم ن يؤكُسَار اللا شطّن؟" نَّان-اَس: "تنْعَاش ن تِرْيَالن." 20 ينَّا-اُسن: "إيوَا عَاوِذ، زُكَّاه كَسْرغ سَبْعَا يَاهِن ن تِيوْنَافن دَار اَرْبِعَالَاف اَهِن ن مِدّن، شُحَال ن تِرْيَالن أَ هكَّارِم ن يَوْكُسَار اللا شطّن؟" نَّان-اَس: "سَبْعَا ن تِرْيَالن." 12 ينَّا-اُسن: "كَا بَاقِي مَا هُفهُمم مَدّن، شُحَال ن تِرْيَالن أَ هكَّارِم ن يَوْكُسَار الَّا شطّن؟" نَّان-اَس: "سَبْعَا ن تِرْيَالن." 12 ينَّا-اُسن: "كَا بَاقِي مَا هُفهُمم شِي؟"

سِيدِيْنغ عِيْسَى يتْدَاوَا يَان لَعْوَار حِثِي بَيْت صَيْدَا

²² زُكَّاه لَكْمَن دَار لْبِيلَاج ن بَيْت صَيْدَا، بَّان-اَس-د يَان لَعْوَار إِ عِيْسَى طلْبن زُكَّاس اَث يحَادِي. ²³ ئِمژْ لَعْوَار اَهن س وفُوْس يسُوْفغ-اَه-يد دَار برَّا ن لْبِيلَاج اَهن. ئِسُّوْسُوْف-اَس خ طَّايْوَان نَس ئِسْكر خْفس ئِفَاسِّن نَس ينَّا-اَس: "كَا هُرُرّت لْحَجَا إِشِي اَو لَّا؟"

24 ئِزَر ينَّا-ٱس: "زَرّغ مدّن غَايَام ئِكِيْكَان تِيْثُوْن-د."

²⁵ ئِسْكر عَاوِذ ئِفَاسِّن نَّس خ طَّایْوَان ن لَعْوَار اَهن. صَافِي یدَاوَا، طَّایْوَان نَّس فَتْحن ئِبْدَا یزَر مزْیَان. ²⁶ یُوْمَر-ث دَار وخْیَام نَس ینَّا-اَس: "مَا یَا دُّو-د شِی دَار لْبِیلَاج ن بَیْت صَیْدَا."

رَّسُوْل بُطْرُس ئِشهّد خف لْمَسِيح

²⁷ ئِقلَّع عِیْسَی نتَّا إِي لَمْحَاضْرَا نَّس دَار دُّشُوْرَا ن لَمْدِینَا ن قَیْصَارِیَا ن فِیلِیپَاس. هَام دَّان کُ ئِزْرف ئِسَّقْسَا لَمْحَاضْرَا نَّس ینَّا-اَسن: "مَاه قُرْن خْفِی مدّن؟"

²⁸ ارِّين-د خْفس نَّان-اَس: "يَان ئِقِّر كَدْجِين يَحْيَى، يَان ئِقِّر كَدْجِين إِلْيَاس، يَان ئِقِّر كَدْجِين زِݣ لْأَنْبِيَا."

29 ينَّا-ٱسن عِيْسَى: "ئِي كُنَّا، شْوَا هرَّزَم-اَي نكِّين؟"

ئِسِّيول بُطْرُس ينَّا-ٱس: "كَدْج لْمَسِيح."

30 ئِوصًا-آهن عِيْسَى بزَّاف ينَّا-ٱسن: "مَا يَا نَّام شِي اَيْهَاذ خْفِي إِ حْتَاين."

سِيدِيْنغ عِيْسَى يتْسَاوَال خف لْمؤت نس

31 ئِبْدَا يَتْعَلَّام-اَسن يَنَّا-اَسن: "أَعَيَّال ن بْنَادم ئِخصَّا-اَس ئِتْعدَّاب خ بزَّاف ن لحْوَايج شَات ئِعفّن-ث اَيْمُوْقُّرن ن أَيْت-إِسْرَائِيل إِي رُّوْيَاس ن لْفُقَهَا إِي لْمُعَلِّمِين ن شَرِيعَا. أَي نْغَن، سْفِير تلْت-ئِيَّام شَا كُرُ زْكِي لْمَوْت." ³² ئِسِّيول إِيْسن نِيْشَان خ أَيْهَاذ، ئِبَعّد-اَث بُطْرُس ينْهَا-ث.

33 وَلَكِن عِيْسَى يفْتل دَاغْرس يزَر دَاغُو لمْحَاضْرَا نّس، ئِنْهَا بُطْرُس ينَّا-ٱس: "بَعّد زْݣَاي دَار تِسَاع، آ شِّيطَان! كَدْج مَا هْفكَّرت شِي غَايَام ربِّي؛ لَّا، تْفكَّرت غَايَام بْنَادم."

³⁴ ئِبرَّاح خ لَمْحَاضْرَا نَّس إِي دَّحْسَا ن مدّن يَنَّا-اُسن: "ؤُهن أَ لَّا يَحْتَاج دَاث ئِتْبَع نك، لَابُدَا دَا سْمح کُ إِغْفَل نَّس دَا رَوَّاح صَّلِيب نَس خمّن شَا تُعدّب شَاث ئِتْبَع. ³⁵ أَزَال ؤُهن أَي يْحْتَاج رْبح لْحَيَات نَس ئِحصَّا-اُس اَت نُحْسَر. وُهن أَ لَّا شَا خْسَر لْحَيَات نَس خف سَّبَاب ئِنُو إِي سَّبَاب ن لْإِنْجِيل شَات ئِرْبح. ³⁶ سمَّا اَر نفَّعت بْنَادم اَمْكِني يرْبح دَّنْيَا كَامْلَا يخْسَر لَحْمَر نَس؟ ³⁷ عَاين، بْنَادم مَا يزمَّر شِي أَ بدّل وَالُو کُ لْمُوْطَع ن لَعْمَر نَس. ³⁸ وُهن أَ لَّا شَا ئِنَتْفَخ خُفس اَعيَّال ن خُنِي ولَّا شَا ئِنَتْفخ خف لْهدْرَا ئِنُو كِثِي زْمَان-اَد أَ لَّا مَا يصْبح يتْخدّع رَبِّي، كِثِي لُوقْت اَهن شَا ئِنَتْفخ خُفس اَعيَّال ن خُنِي ولَّا شَا ئِنَتْفخ خف لَهدْرَا ئِنُو كِثِي زْمَان-اَد أَ لَّا مَا يصْبح يتْخدّع رَبِّي، كِثِي لُوقْت اَهن شَا ئِنَتْفخ خُفس اَعيَّال ن بْنَادم زُكَا يتُوثُور س لْعَظَمَا ن بَابَا نَس إِي لْمَلائِكَا لمْقدَّسِين." أَ يَنَّا-اُسن عِيْسَى: "هَا تُسلَّام لْحَقّ: لْبَاعْط زَکُ وُهِين أَ لَّا إِيْذِي دْهَادِين مَا يَا مُوْثِن شِي حَتَّى يَا زُرْن لْمُلْك ن رَبِّي يكْز-د س لْجُهْد."

سِيدْنَا مُوْسَى إِي سِيدْنَا إِلْيَاس ظهْرن-د إِيْذ سِيدِينغ عِيْسَى

تذْرَا سَتْيَام، عِيْسَى يَبُّ إِيْدْس بُطْرُس إِذ يَعْقُوْب إِذ يُوْحَنَّا ئِبّ-اَهِن بُ وَاحَدْيَاثُم دَار يَان اَغِيلُّ عَالِي. دَاس كُوْم ن طَّايْوَان نُسن ئِقّل-د غَايَام يَان نُوْر. 3 ئِقّل-د لْبَاس نّس ملُّوْل ئِشْعل، مَا يزمّر حْتَاين خف ترْحَابْت أَرِّي-د لْبَاس ملُّوْل غَايَام وُهن. 4 ئِبَان-اَسن دَاس نَّبِي إِلْيَاس إِي نَبِْي مُوْسَى. زَرّن-تن سَّاوَالن إِيْذ عِيْسَى.

⁵ ئِسِّيول بُطْرُس يَنَّا-اَس إِ عِيْسَى: "آ لْمُعَلِّيم، مزْيَان أَ نقِّيم إِيْذَكَ دْهَادِين. نُكْنَا أَ نسْكر تْلَاثَا ن لْقِيَاطن، يَان إِ كَج، يَان إِ إِلْيَاس." ⁶ وَلَكِن بُطْرُس ئِمبْهَاط مَا يُوْفْ مَا يقر، نِهْمَا كْسُوْطن. ⁷ ئِدَّا-د يَان ن وُسكْنَاو ئِكَّز-د خَفْسن. تنْطق زْݣَاس يَاه تمْيَا تنَّا-اَسن: "وُهَاذ ئِكَان اَعِيَّال ئِنُو أَ لَّا عْزِيز، شُوْسْمَاوْث دَاغْرس." ⁸ زْݣَا زْرَان لمْحَاضْرَا هَامْكَا إِي هَامِكَا، عْلَاغَفْلَا مَا وُفَان إِيْسن حْتَاين إِلَّا عِيْسَى.

9 زُكَّاً هَكُّزُن زُكْ اَغِيلٌ بُوصِّي-اَهنَ كُ بُرْرِف عِيْسَى ينَّا-اُسن: "مَا يَا عَوْذَم إِ حَدّ اَه هَرْرِم حَتَّى يكُّر اَعيَّال ن بْنَادِم وَرُكِي لْمَوْت." ¹⁰ جَّان لْهِدْرَا يَاهِن بَايْنَاتُم، سِّيوْلن إِي بَعْضِيَاتُم نَّان: كِيفَاش، شْوَا يحْتَاج اَنَّ شَا كُُّر زُكِي لْمَوْت؟ لَمُوْت؟ اللهُ عَلَمِين ن شَّرِيعَا قُرْن يخصُّ نَّبِي إِلْيَاس أَد بِلُّو نتَّا لُّول؟" الرَّمْن لْمُعَلِّمِين ن شَّرِيعَا قُرْن يخصُّ نَّبِي إِلْيَاس أَد بِلُّو نتَّا لُّول؟"

12 ينّا-اًسن عِيْسَى: "بصَّح خصّ-اَس أَد ئِدُّو إِلْيَاس لُّوّل أَ عْدَل كُلْشِي. وَلَكِنَ دَرَّمْن ئِقِّر لكْتَاب بلِّي يخصّ-اَس إِ وَعَيَّالَ نَ بْنَادَم دَا تْعَدَّب، دَاي يْعفّن-ث؟ ¹³ أُون نغ: هَا إِلْيَاس اَهن ئِدَّا-ذ، خدْمن ݣَاس اَي حْتَاجن غَايَام مُوْرِي خْفس كُي لكْتَاب."

سِيدِيْنغ عِيْسَى يتْدَاوَا يَان وُعيَّال ݣَاس لجْنُوْن

¹⁴ عِيْسَى إِي وُهِين أَ لَّا إِيْدْس قلن-د دَاغُو لمْحَاضْرَا وُفَان دَاس يَاه دّحْسَا ن مدّن نْجَمْعُو خفْسن. وُفَان عَاوِذ لْبَاعْط ن لْمُعَلِّمِين ن شَّرِيعَا كنْسن إِذ لمْحَاضْرَا إِهِن. ¹⁵ زْكَا ژْرَن عِيْسَى، كُلْشِي دّحْسَا يَاهن ن مدّن دهْشن تَازْلن دَاغْرس سلَّمن خْفس.

16 ينَّا-ٱسن عِيْسَى: "خمَّاه تْكنّْسم؟"

¹⁷ ئِسِّيول يَان زْكِي دَّحْسَا يَاهن ن مدَّن يَنَّا-ٱس: "آ لْمُعَلِّم، بِّغ-اَكْ-د اَعَيَّال ئِنُو ݣَاس لْجنُّ زِيْرُوْنِي. ¹⁸ أَنَا مَا يَتَامِرْ-اَث ئِسِي يَّعْرَّارُ ئِسَانِّن نِّس ئِتقِّل-د مَا يَتْزَحْزَاح شِي. طلْبغ ئِسْحصّل-اَه-يد دَار ترْحَابْت، ئِسُوْفُوْغ نتَّا لْكشْكْشَا زِثْ وقمُّوْم نِّس يَتْغَرَّازُ ئِسَانِّن نِّس ئِتقِّل-د مَا يَتْزَحْزَاح شِي. طلْبغ زِثُ اَهن، وَلَكِن نِهْمَا مَا زمَّرن شِي."

¹⁹ ئِرِّي-د خفْسن عِیْسَی ینَّا-اُسن: "آ مدّن ن وَاسّ-اً أَ لَّا مَا ݣَاوِن شِي لْإِیمَان، ششْحَال شَا قِیمغ إِیْذُن نكِّین ششْحَال شَا صْبَرغ غَاوِن نكِّین؟ اُبَّاوْث-اَي-د اَعیَّال اَهن دَاغْرِي." ²⁰ بَّان-اَس-د إِ عِیْسَی، لْجنّ اَهن یَالَّاه یَزَر عِیْسَی یرعَّش اَعیَّال اَهن یحْصل دَار ترْحَابْت، ئِرْعَش ئِسُوْفُوْغ لْکشْکْشَا زِثْ وقشُّوْم.

21 ينَّا-ٱس عِيْسَى إِ بَابَا نَّس ن وُعيَّال اَهن: "ششْحَال لِيلُو ݣَاس أَيْهَاذ؟"

ينَّا-ٱس: "زِكَا ئِكِثِيل مُزِِّي. ²² بزَّاف ن لْمَرَّات ئِتْسِيَّاب-اَث كِثِي لْعَفِيَا اَوْلَا کْ وَامَان سمَّا اَث ئِنغ. كَجْ إِمْكِي تْزمَّرت، عَوْن-اَنغ رْحم-اَنغ."

23 ينَّا-ٱس عِيْسَى: "دَرّْمن هَقَّرْت مْكِي تْزِمّْرت؟ إِيوَا ؤُهن أَ لَّا يَأْمن يزمّر إِ كُلْشِي."

24 سَعَا يسِّيول س لْجُهْد بَابَا نِّس ن وُعيَّال اَهن ينَّا-اَس: "نكِّين اَمْنغ! عَون لْإِيمَان بِنُو ضْعيف."

²⁵ زْݣَا يُوْفَا عِيْسَى دَّحْسَا ن مدّن دغْيَا نْجَمْعُو خْفس، ئِسْبدّذ لْجنّ آهن أَ لَّا مَا يَصْبَح ينَّا-آس: "آ لْجنّ آزَايْزُوْن آ لْجنّ آصْمك، تمْرَاغ-آك كَج فُوْغ زْݣَاس مَا يَا كَشْمت شِي ݣَاس عَاوذ!" ²⁶ ئِغُوّث س لْغَاوْت لْجنّ آهن يرعَّش اَعيَّال آهن برَّاف سَعَا يفّغ زْݣَاس. أَعيَّال آهن ئِقّل-د غَايَام ئِمُّوْث، نَّان بزَّاف ن مدّن هَا يمُّوْث صَافِي. ²⁷ وَلَكِن عِيْسَى يمز-آث برَّاف وَفُوْس نَس ئِسبْدَاذ-آث يكّر.

²⁸ ئِكْشم عِيْسَى دَار وخْيَام، سَّقْسَان-ث لمْحَاضْرَا نَس بْ وَاحْدُو نَّان-اَس: "دَرَّمن نُكْنَا مَا نزَّمر شِي اَث نْسُوْفُوْغ؟" ²⁹ ئِرِّي-د خفْسن ينَّا-اَسن: "نَّوْع ن لْجنّ-اَذ نْسُوْفُوْغ-اَث غِير س تْزَالِيت."

30 دَّان ذْرَان خف ترْحَابْت ن لْجَلِيل. عِيْسَى مَا يحْتَاج حَدّ اَد ئِسِّن بلِّي نِهْمَا دَاس ³¹ أَزَال ئِحْتَاج أَ عَلَّم لمْحَاضْرَا نَس. يَنَّا-اَسن: "أَعَيَّال ن بْنَادم اَد تُسلَّم دَار ئِفَاسِّن ن مدّن. أَث ئِنْغن، نْهَار تلْتيَّام إِسْفِير لْمَوْت نَس شَا كُر." ³² نِهْمَا مَا فَهْمن شِي لْهِدْرَا يَاهِن، كُشُوْطن اَث سَقْسَان خمّن ينَّا-اَسن.

شْكَا أَ لَّا مَقُّور ثِنِي لمْحَاضْرَا ن سِيدِيْنغ؟

33 دَّان-د دَاغُو لْبِيلَاج ن كَفرْنَاحُوْم. هَام ݣ وخْيَام ئِسَّقْسَا لمْحَاضْرَا نَس ينَّا-اَسن: "خمَّا هْكنَّسم ݣ ئِزْرف؟" ³⁴ مَا رَّازِن شِي خْفس حشْمن أَزَال كنَّسن إِيْذ ئِزْرف إِي بَعْضِيَاتْم شْكَا أَ لَّا مَقُّوْر ݣَاسن.

عنيي أخدًام ن كُلْشِي." ³⁶ ئِقرَّاب-د دَاغْرس يَان ؤُعيَّال، ئِسبْدَاذ-اَث ثُ وَامَّاس نْسن ئِدرِّع-اَث يَنَّا-اُسن: "ؤُهن أَ يُحْتَاج أَ قُوْل-د نَتَّا لُّخْرِي عَنِي اَخْدَام ن كُلْشِي." ³⁶ ئِقرَّاب-د دَاغْرس يَان ؤُعيَّال، ئِسبْدَاذ-اَث ث وَامَّاس نْسن ئِدرِّع-اَث ينَّا-اُسن: ³⁷ "ؤُهن أَ لَا شَا حُمل اَعَيَّال عَايَام ؤُهَاذ خ سَبَّا ينُو، أَم اَدِي حُمل نكِّين. وُهن أَ لَّا شَا اَدِي حُمل نكِّين، مَاشِي نكِّين أَ لَّا شَا حُمل اَعَيَّال عَايَام وُهن أَ لَّا يُوْمَر-اَي-د."

38 ينًا-اًس يُوْحَنَّا: "آ لْمُعَلِّم، نْزَر يَان ئِسُوْفُوْغ لْجْنُوْن خ لَاحْسَاب لْإِسم نَّك. نُكْنَا نحْتَاج آي نسْبدَاذ زڭ مَا يلُّ شِي اَمْحَضْرِي إِيْنغ."

³⁹ ينَّا-ٱسَ عِيْسَى: "مَا يَاث سْبدَّام شِي. مَا يزمّر حْتَاين أَ سْكر لْمُعْجِيزَا خ لَاحْسَاب لْإِسم ئِنُو سَعَا دغْيَا يقّر خْفِي لَمْهَاوْدَا مَا هَصْبَح. ⁴⁰ وُهن أَ لَّا مَا يلِّ شِي لْعَكس نّع، هَاو نّغ. ⁴¹ هَا تْسلَّام لْحَقّ: وُهن أَ لَّا شَا فْكَا-ٱون لْكَاس نَ وَامَان أَزَال تْبُوْعَم لْمَسِيح نتَّا شَا بُّ لْأَجَار نّس."

لْإِيمَان إِذ لْمُعْصِيَا

42 "ؤُهن أَ لَّا شَا بُّ يَان ؤُعيَّال زِكْ ؤُهِيذ اَيْمَزِّين أَ لَّا تُأْمَانِ كَاي دَار لْمُعْصِيَا، حْسن نتَّا أَ قُون لْحَافَا ن رْحَا خف اكْرْت نَس ئِسيّبن-ث كِثِي لبْحَر. ⁴³ مْكِي اَفُوْس نَك ئِتْسْبَاب-اَك كِي لفْضِيحَا إِشِّي، قْتع-ث زَعْمَا. حْسن دَارِك أَكُرْت نَس ئِسيّبن-ث كِثِي لبْحَر. ⁴³ مْكِي اَفُوْس نَك ئِتْسْبَاب-اَك كِي لفْضِيحَا إِشِّي، قْتع-ث زَعْمَا. حْسن دَارِك أَكُرْت نَس ئِسيّاب ثُ جَهنَّمَا دَاغُو لْعَفِيَا أَلَّا مَا هْنَاسَا ضَي دَار لْجَنَّا س يَان ؤُفُوْس اَحْسن زْكَا يَا قِيمن غُرِك جُوْج ن ئِفَاسّن تْسِيَّاب ثُ جَهنَّمَا دَاغُو لْعَفِيَا أَلَّا مَا هْنَاسَا شِي . } ⁴⁵ مْكِي اَطَار نَك ئِتْسْبَاب-اَك كِي لفْضِيحَا شِي عُمَّرَا. ⁴⁴ {دَاس تِبكِّيْوَان أَلَّا مَا تُمتَّاثن شِي، لْعَفِيَا أَلَّا مَا هْنَاسَا شِي . } ⁴⁵ مْكِي اَطَار نَك ئِتْسْبَاب-اَك كِي لفْضِيحَا

إِشِّي، قَنع-اَث زَعْمَا. حْسن دَارِك أَ كَشْمت دَار لْجنَّا س يَان ؤُطَار اَحْسن زْݣَا يَا قِيمن غْرِك جُوْج يطَارِن تْسِيَّاب ݣ جَهنَّمَا. ⁴⁶ {دَاس تِبكِّيوَان أَ لَا مَا تْمتَّاثن شِي، لْعَفِيَا أَ لَا مَا هْنَاسَا شِي.} ⁴⁷ مْكِنِي تِيْطٌ نّك هَنْسْبَاب-اَك كِي لفْضِيحَا إِشِّي، قُلع-اَت زَعْمَا. حْسن دَارِك أَ كَشْمت دَار لْجنَّا س يَاه تِيطّ اَحْسن زْݣَا يَا قِيمن غْرِك جُوْج ن طَّايْوَان تْسِيَّاب ثُلْيَي، قُلع-اَت زَعْمَا. حُسن دَارِك أَ كَشْمت دَار لْجنَّا س يَاه تِيطّ اَحْسن زْݣَا يَا قِيمن غْرِك جُوْج ن طَّايْوان تْسِيَّاب ثُلْيَي، قُلع-اَت زَعْمَا. حُسن دَارِك أَ كَشْمت دَار لْجنَّا س يَاه قِيط اَحْسن زْݣَا يَا قِيمن غْرِك جُوْج ن طَّايْوان تْسِيَّاب ثُلْيَا لَلْ مَا هُنَاسَا شِي. ⁴⁹ أَزَال مدّن كَامْلِين شَا ملْحن س لْعَفِيَا. ثَلْ مَا هُنَاسَا شِي. ⁴⁹ أَزَال مدّن كَامْلِين شَا ملْحن س لْعَفِيَا. مُلْكَا اَرًا نسْكر نَارِّي-يَاس-تَث دَاس؟ شَا اللَّ اَغْرُون لمْلح كِي نَفْس نُون، الْأَوْث كِي لهْنَا إِي بَعْطِيَاثُكُم."

طَّلَاق خ لَاحْسَابِ أَمْكَا غن يقّر سِيدِينغ عِيْسَى

1 يُكَّر عِيْسَى يفّغ-د زْدَاس يدًّا دَار لْجْوَايه ن يَهُوْدِيَا إِذ ؤُكُمَّاط ن وَاسِيف ن لْأُرْدُن. نْجَمْعُو خْفس دَاس دَل اللهُوْدِيَا إِذ ؤُكُمَّاط ن وَاسِيف ن لْأُرْدُن. نْجَمْعُو خْفس دَاس تَعْلَام-هن غَايَام دِيمَا.

² قَرَّبن دَاغْرس شِين مدَّن زُكِي لْحِزب ن ئِفَرِّيسِيْين سمَّا تْجَرَّابن-ث نَّان-اَس: "وَاش حْلَال دَا طلَّق اَرْݣَاز إِشِي نَمْطُّوْث نَس؟"

³ ينَّا-ٱسن عِيْسَى: "خمَّاه ئِوصَّا-ٱوَن مُوْسَى؟"

4 نَّان-اَس ئِفَرِّيسِيْين: "مُوْسَى يسْمح إِ ورْݣَاز أَ وْرِي تَبْرَات ن طَّلَاق ئِفْكَا-ت إِ تمْغَارْت نّس اَت ئِطلَّق."

نَّنَا-ٱسن عِيْسَى: "مُوْسَى يُوْرَا-ٱوُن لُوصِّيَا يَاهِن إِ كُنَّا أَزَال اَغْرُن وُل قاسح. 6 وَلَكِن زْكِنِي هَبْدَا دَّنْيَا رَبِّي يخْلق اَرْݣَاز إِي يَّنَا-ٱسن عِيْسَى: "مُوْسَى يُوْرَا-ٱوُن لُوصِّيَا يَاهِن إِ كُنَّا أَزَال اَغْرُن وُل قاسح. 6 وَلَا يجْمع-ت رَبِّي مَا يزمِّر شِي دَات يُفَرِّق بْنَادم." إذن مَا يَا قلّن شِي جُوْج؛ لَّا، قُلْن يَان. 9 وَلَا يجْمع-ت رَبِّي مَا يزمِّر شِي دَات يُفَرِّق بْنَادم."

10 ڭ وخْيَام سَّقْسَانَ-ث لمْحَاضْرَا نَّس عَاوِذ خَفُ أَيْهَاذ. ¹¹ يَنَّا-ٱسن ْعِيْسَى: "كُلْشِي أَ لَّا شَا طَلَّق إِ تَمْغَارْت نَس يَبُّ يَاه تَايَاط، ئِتِيلُّ يَرْنَا. ¹² تَمْغَارْت مْكِنِي هُطَلِّق إِ ورْݣَاز نَس تَبُّ يَان وَايَاط، تَاتِيلُّ تَرْنَا."

سِيدِينغ عِيْسَى يتْبَرَك إِ لحْشَام أَيْمزِّين

أَرْݣَازِ أَ لَّا تَّاجِر

17 عِيْسَى زْݣَا يَتْخَلَّاف خ ئِزْرِف، ئِدَّا-د دَاغْرِس يَان ئِتَازَل ئِحْسل خ ئِفَادّن كُوْم نّس ينَّا-اُس: "آ لْمُعَلِّم أَ لَّا يْصْبح، مَا ارَا وَّغ سمَّا تَتِيلٌ غْرِي لْحَيَات ن دِيمَا؟" 18 ينَّا-ٱس عِيْسَى: "دَرَّمن هقَّرت نكِّين صبْحغ؟ مَا يلُّ شِي حْتَاين ئِصْبح إِلَّا ربِّي بْ وَاحْدُو. 19 هَسَّنت لُوْصِيَاث: مَا يَا نْغت، مَا يَا زْنِيت، مَا يَا وُكْرت، مَا يَا شهْدت زُّوْر، مَا يَا شمَّثت، وقَّار بَابَا نَّك إِذ يمَّا نَّك."

20 ينَّا-ٱس اَرْݣَاز اَهن: "آ لْمُعَلِّم، زْݣِي كِيلَّاغ مَزِّي تُوقَّارِغ أَيْهَاذ كَامل."

²¹ ئِعَيّن دَاغْرس عِيْسَى يكْشم دَار وُُلَ نَس يَنَّا-اَس: "تقِّيم-اَكْ يَاه ن لْحَجَا مَا هكَّات-ت شِي." ينَّا-اَس: "نْدَاه زْنز كُلْشِي أَ لَّا غْرِك فْرق-ث خف لمْسَاكن شَا اَلْ غْرِك لْكنْز ݣَ اَنَّا، سَعَا هَالَا تْبع-اَي." ²² زْݣَاي يسلُّ أَيْهَاذ ئِحْزن بَرَّاف، ئِدَّا حْزِين أَزَال غْرس برَّاف ن لمْتَاع.

23 ئِعَيِّن دَاغَوْسن عِيْسَى ينَّا-ٱسن إِ لمْحَاضْرَا نِّس: "ششْحَال قَاسح خف تُجَّار أَ كَشْمن دَار لْمُلْك ن ربِّي." ²⁴ دهْشن لَمْحَاضْرَا نِّس خف لْهدْرَا يَاهن. ينَّا-ٱسن عِيْسَى عَاوذ: "آ لحْشَام ينُو، ششْحَال ئِقْسح أَ كُشم بْنَادم دَار لْمُلْك ن ربِّي! 25 رَاه سَاهل أَ ذْرِي يَان لجْمل زَثْ وُتَاقِيب ن تَسِيْسْمَا قْبل مَا يَا كُشم يَان ن تَّاجِر دَار لْمُلْك ن ربِّي!"

26 لَمْحَاضْرَا تْعجّْبن بزَّاف نَّان إِي بَعْضِيَاتُم: "خْيَار، شْكَا ٱر لَّا زِمِّر أَ فْلْث!؟"

27 ئِعَيّن دَاغَرْسن عِيْسَى ينّا-ٱسن: "مدّن مَا يزمّرن شِي إِ أَيْهَاذ. وَلَكِن ربِّي يِيه، ئِزمّر إِ كُلْشِي."

28 ئِسِّيول بُطْرُس ينَّا-ٱس: "هَا نُكْنَا نسْمح آثُ كُلْشِي أَ نتْبع-آك!"

²⁹ ينّا-اًسن عِيْسَى: "هَا تْسلّام لْحَقّ: كُلْشِي وُهِين أَلَّا سمْحن کُ وخْيَام نّس أَو کُ اَيْکْمَا نّس أَو اَيْثْمَا نّس أَو کُي يَكُّرَان نّس خف سّبًا ئِنُو نكِّين وُ خ لَاحْسَاب لْإِنْجِيل، ³⁰ شَا ٱلْ غُرس مِيّات ن لْکْرَاعِي ن ئِخْيَامن ن أَيكْمَاس ن يَايثْمَاس ن يمّا نّس إِي لحْشَام نّس إِي يكْرَان نّس. شَا ٱلْ غُرس لْعَدَّاب کِي زُمَان-اَذ، وَلَكِن کِي زُمَان أَلَّا شَا دُّو شَا ٱلْ غُرس لْحَيَات ن دِيمَا. ³¹ بزّاف أَ يْلَان لْلُوْلِيِّين دَا قلّن-د لِخُرِيِّين، وُهِين أَ يْلَان لَلُوْلِيِّين دَا قلّن-د لَوْلِيِّين."

سِيدِينغ عِيْسَى يتْسِيول عَاوذ خف لْمَوْت نّس

³² هَام کُ ئِزْرِف تْعَلَّان دَار لَمْدِينَا نَ لْقُدْس، عِيْسَى هَاو کُوْم. لَمْحَاضْرَا نِّس دهْشن، ؤُهِين أَ لَا تَبْعن-ث کُشُوْطن. ئِدَّا يَبْ تَنْعَاش إِهِن نَ لَمْحَاضْرَا نِّس لْمَرَّا تَايط بْ وَاحْدُم، ئِبْدَا يَتْسَاوَال إِيْسِن مَا رَاث ئِوقْع-اَس يَنَّا: ³³ نَتْعَلَّاي دَار لَقُدْس اَنَا شَا ئِنَخْدعْ اَعَيَّال نَ بْنَادم دَار اَرُّوْيَّاسِ نَ لْفُقَهَا إِي لَمُعَلِّمِين نَ شَرِيعَا. دَّا حَكْمَن خُفس س لْمَوْت، دَّا لَقُدْس اَنَا شَا ئِنَخْدعْ اَعَيَّال نَ بْنَادم دَار اَرُّوْيَّاسِ نَ لْفُقَهَا إِي لَمُعَلِّمِين نَ شَرِيعَا. دَّا حَكْمَن خُفس س لْمَوْت، دَّا سَلْمَن-ثُ دَار وُهِين أَ لَا مَا لَّن شِي زِکْ أَيت-إِسْرَائِيل. ³⁴ دَا ضصّن خُفس، دَّا شُوْسْفن خُفس، دَّاي اَوْتُن-ث س وَسْغُوْن، دَّايْ نْغن. وَلَكِن نْهَار تلْتَيَّام شَا كُرُ زْكِي لْمَوْت."

طَّالَب ن لحشام ن زَبَدِي

³⁵ يَعْقُوْب إِذ يُوْحَنَّا أَ لَّا ݣَلَّان لحْشَام ن زَبَدِي فَتَّلن دَاغُو عِيْسَى نَّان-اَس: "آ لْمُعَلِّم، نحْتَاج دغَن دبَّرت أَ لَّا شَا نطْلب زْ كَٰك."

36 ينَّا-آسن عِيْسَى: "مَاون ئِخُصّ-اَون أَ دبّْرغ غَاون؟"

37 نَّان-اَس: "أَجّ-اَنغ أَ نَقِّيم ثَى لْعَظَمَا نَّكَ يَان خف لِّمِين يَان خف شَّمَال."

38 ينَّا-اًسن عِيْسَى: "كُنَّا مَا هسَّنم شِي شُوَا هُطَلْبِم. كَا شَا زِمَّرِم أَد سُوَم زِثْ لْكَاس اَهِن أَ لَّا سَسِّغ زْݣَاس نكِّين؟" أُولَا دَا غطْسم لْعَدَّابِ اَهِن أَ لَّا شَا غطْسغ ݣَاس نكِّين؟"

³⁹ نَّان-اَس: "بِيه، دَا نزْمر!"

ينَّا-ٱسن عِيْسَى: "يِيه، شَا سْوَم زُكِْي لْكَاس اَهن أَ لَّا شَا سْوَغ زُكْاس نكِّين، شَا غطْسم كِي لْعَدَّاب اَهن أَ لَّا شَا عُطْسغ كَاس نكِّين، شَا يَفْكَا، شَا يفكْ دَار غطْسغ كَاس نكِّين أَ لَّا شَا يفْكَا، شَا يفكْ دَار وُهِين أَ لَّا تُوجَّاد."

⁴¹ عشْرًا إِهِن ن لمْحَاضْرًا زْݣَا سلَّان شْوَا يحْتَاجِن يَعْقُوْب إِذ يُوْحَنَّا مَا يعْجب-اَسن شِي لْحَال. ⁴² بِبرّح-اَسن عِيْسَى كَامْلِين بِهِم ينَّا-اَسن: "هَسَّنم رُّوْيَاس ن لَكْنُوْس حكَّمن خف شُّعُوْب نْسن، وُهِين أَ لَّا مُوْقُرن زكْسن تْزِيَّارن خفْسن. كَامْلِين بِهِم ينَّا-اَسن: "هَسَّنم رُّوْيَاس ن لَكْنُوْس حكَّمن خف شُّعُوْب نْسن، وُهِين أَ لَّا مُوْقُرن زكْسن تْزِيَّارن خفْسن. ⁴³ وَلَكِن كُنَّا لَّا، أَيْهَاذ بِحصّ-اَس مَا يلْ شِي بَايْنَاثْكُم. وُهن أَ يْحْتَاج أَ قُوْل مَقُّوْر بِينَاثْكُم بِحصّ-اَس اَلْ اَعْبِيد ن كُلْشِي. ⁴⁵ أَعِيَّال ن بْنَادم حتَّى نتَّا مَا يدَّا-د شِي سمَّا خدَّمن خفس مدّن؛ لَّا، بِدَّا-ذ نتَّا سمَّا اَرَا خْدم خفْسن، دَّا صدّق لْحَيَات نَس سمَّا ينجِّي بزَّاف زْݣَاسن."

سِيدِينغ عِيْسَى يتْدَاوَا بَرْتِيمُوْس ؤُهن أَ يَكْيِلُ لَعْوَر

⁴⁶ لكُمن-د دَار لمْدِينَا ن أُرِيحَا. سَعَاكَ يفّغ-د عِيْسَى زَكُ أُرِيحَا إِيْذ لمْحَاضْرَا نَس إِي دَّحْسَا ن مدّن. وُفَان دَاس يَان ن لَعْوَر بَقِيم كِي طَّارْف ن ئِزْرف يطلُوْب، سْمِيَا نَس بَرْتِيمُوْس اَعيَّال ن تِمُوْس. ⁴⁷ ئِتسْلَا بلِّي عِيْسَى زَكُ لُبِيلَاج ن نَاصِرَا ذْرَاين زْدَاس ئِبْدَا يَتْعَوَّاث س لْغَوْث ئِقِّر: "آ عِيْسَى آ اَعيَّال ن أَيت-دَاود رْحم-اَيِي!" ⁴⁸ زِيَّارن خْفس بزَّاف ن مَدّن قُرْن-اَس سْكُوْث. نتَّا مَا يحْتَاج، ئِقِيِّم يَتْعَوَّاث س لغْوَاث عَاوذ س لْجُهْد يقر: "آ اَعيَّال ن أَيت-دَاود، رْحم-اَيِي!" ⁴⁹ ئِبْدَاذ عِيْسَى ينَّا-اُسن: "بَرْ حَاوْث-اَس."

بَرُّحن خف لَعْوَر اَهن نَّان-اَس: "فْرح كَج كُّر، ئِتْبرّح خْفك عِيْسَى." ⁵⁰ ئِكَس تَجلَّابْت نَس ئِسيّب-اَت، ئِكّر دغْيَا ئِبْدذ خف ئِطَارِن نَس ئِدًّا دَاغُو عِيْسَى.

51 ينَّا-ٱس عِيْسَى: "شْوَا هَحْتَاجِت أَكْ وُوَّغ؟"

ينَّا-ٱس لَعْوَر اَهن: "آ لْمُعَلِّم، نكِّين حْتَاجِعْ أَ زُرَغ."

52 ئِسِّيول عِيْسَى ينَّا-ٱس: "أَنْدَاه لْإِيمَان نَّك ئِدَاوَا-ك!" سَعَا ئِبْدَا يتْوَالَا يتْبع عِيْسَى ݣ ئِزْرف.

سِيدِينغ عِيْسَى ئِكشّم خ دْحِيّش دَار لمْدِينَا ن لْقُدْس

ل أَزْكَا قرَّبن دَار لَمْدِينَا نَ لْقُدْس دَار ئِبِيلَاجِن نَ بَيْت فَاجِي إِي بَيْت عَنْيَا كُوْم نَ اَغِيلٌ نَ زَيْتُوْن، ئِكَر لَمْ عَيْسَى ئِيُوْمَر ثْنَايِن زِکْ لَمْحَاضْرَا نِس 2 يَنَا-اَسن: "أَنْدَاو دَار لْبِيلَاج اَهِن أَ لَا كُوْم نُوْن. زْكَا هْلكُمم دَار دَاس، شَا وُفم يَان نَ دْحِيّش مَقُّوْن مَا يُونَّا خُفس حْتَايِن عَمْرُو، فَسْخَاوْث-اَس بَّاو-ثِيد إِيْذُن. 6 إِمْكِني يسِّيول إِيْذُن يَان اِشِي دَرَّمن تَكُمّ اَيْهَاذ، نَّاوْث-اَس ئِحْتَاج-اَت سِيدِينِغ، وَلَكِن شَاي رِّي-د دَاغْرُن دَارِيهَا دغْيَا."

4 دَّان وُفَان يَان ن دْحِيَّش كِي زِّنْقَا مَقُّوْن کُ يَاه تَكُُّوْرْت، فَسْخن-اَس. 5 نَّان-اَسَن لْبَعْض وُهِين أَ لَّا بدُّذن دَاس: مَا هُتَكُّم؟ دَرُّمن ثْفَسْخم دْحِيَّش-أَذ؟ 6 جَاوْبن-تن خ لَاحْسَاب اَمْكَا ئِوصَّا-اَهن عِيْسَى، ئِجَّاو-ثن. 7 بِّن-ث دَاغُو عِيْسَى سَكْرن خْفس جُّلَالب نْسن، نتَّا يَوْنَا خْفس.

8 بزَّاف ن مدَّن فرَّشن-اَس اَزْرِف س جُّلَالب نْسن. لْبَعْض زْݣَاسن حرْفن زَݣَ ئِݣَارَن لفْرُوْع ن يڭِيڭَان فرَّشَان-اَس زْݣَاسن اَزْرِف. 9 وُهِين أَ لَّان دَّان ݣُوْم نّس إِي وُهِين أَ لَّا تْبُوْعن-ث قَّرْن:

"لْحَمْدُو إِ رَبِّي!

أَبْيَاطْلُو إِ وَوْهَاد أَ لَّا يدًّا خِ لَاحْسَابِ لْإِسم ن سِيدِي ربِّي.

10 أَبْيَاطْلُو إِ لْمُلْك آهن أَ يُتِّيثُون - د ن جدِّي نَّغ دَاود.

لْحَمْدُو إِ رَبِّي لْعَالِي."

11 ئِكْشم عِيْسَى دَار لَمْدِينَا نَ لْقُدْس دَار تْمزْ كِيْذَا تَيْمُوقَّرْن نَ أَيت-إِسْرَائِيل، ئِزَر أَ لَّا دَاس كَامل. وَلَكِن اَكْثِيلٌ يَذْرَا لَحَال، ئِفّغ نتَّا إِي تنْعَاش نَ لَمْحَاضْرَا نّس ئِدًّا دَار بَيْت عَنْيَا.

تَكْيِكْنْت ن تَازَارْت أَ لَّا تَقُّوْر

12 أَلازَان نّس فَغْن زَكْ بَيْت عَنْيَا، عِيْسَى ئِلُّوْزَ. 13 ئِزْرَا زِكِْي لْبُعْد يَاه تَكِْيكْنْت ن تَازَارْت ݣَاس ئِفْرَاوِن، ئِقرّب دَاغْرس ئِفْرَاوِن وَاهَا أَزَال مَازَال مَا هلْكُوْم شِي لُوقْت ن تَازَارْت. دَاغْرس ئِفْرَاوِن وَاهَا أَزَال مَازَال مَا هلْكُوْم شِي لُوقْت ن تَازَارْت. 14 يَنَّا-ٱس: "كمِّين سِيهَا طَالِع مَا عمّر أَ اشْ زُكْم حْتَايِن." لمْحَاضْرَا نّس سلَّان-اَس مَا ينَّا.

سِيدِينغ عِيْسَى هَاو كَثِي تُمزْ كَثِيذَا تَيْمُوقُّرْن ن أَيت-إِسْرَائِيل

لْمَفْهُوْم ن تَكِْيكْنْت ن تَازَارْت اَهِن أَ لَّا تَقُّور

²⁰ كِي صْبَاحٍ بِكْرِي زْكِي تِّيثُوْن-د كُ ئِزْرِف زْرَان تَكِْيكْنْت اَهن ن تَازَارْت تَقُوْر زِكْ ئِزْوْرَان نَس. ²¹ ئِفكَّر ݣَاس بُطْرُس ينَّا-اَس إِ عِيْسَى: "زَر آ لْمُعَلِّم، تَكِْيكْنْت اَهن ن تَازَارْت أَ لَّا تدْعَت ݣَاس هَاي تَقُوْر!"

22 ئِسِّيول عِيْسَى ينَّا-ٱسن: "أَمْنَاوْث س ربِّي! ²³ هَا تُسلَّام لْحَقّ: إِمْكِنِي يَان إِشِي ينَّا-ٱس إِ أَغِيلّ-أَد: قُلع كَج سِيهَا حُصل كِثِي لبْحَر، ئِي كُ وُوْل نَس مَا ݣَاس شِي بُو شَكّ ئِأَمن سمَّا أَ يوْقع أَيْهَاذ، إِذ أَيْهَاذ أَ يْلَّا شَا ئِتِيلْ. ²⁴ خ أَيْهَاذ

شَاوَن نغ: كُلْشِي أَ لَّا شَا طلْبِم زَ كِي رَبِّي كِي تْزَالِيث نُّوْن، أَمْنَاوْث بلِّي شَا لْكُوْم دَاغْرُن إِذ شَالٌ غْرُوْن. 25 كُنَّا فُوْقَاش شَا بدَّذِم أَ تْزُوْلَام، إِمْكِنِي غْرُوْن لْعَدَاوَا إِشِي إِ يَان إِشِي سَمْحَاوْث-اَس سَمَّا بَابَا نُّوْن أَ لَّا ݣَ انَّا شَاغْن ئِغْفر دُّنُوْب نُّوْن.}" 26 {إِمْكِي مَا هْسَمْحَم شِي إِ مدّن، بَابَا نُّوْن أَ لَّا كُ انَّا مَا رَا يغْفر شِي دُّنُوْب نُّوْن.}"

شُلْطًا ن سِيدِينغ عِيْسَى

²⁷ صَافِي قُّلن-د دَار لْقُدْس. عِيْسَى بَتُّوْثُو كِي تُمزْكِيْذَا تَيْمُوقَّرْن، دَّان-د دَاغْرس رُّوْيَاس ن لْفُقَهَا إِي لْمُعَلِّمِين ن شَّرِيعَا إِي لَمُعَلِّمِين ن شَّرِيعَا إِي لَمُعَلِّمِين ن شَّرِيعَا إِي اَيمُوقَّرْن ن أَيت-إِسْرَائِيل. ²⁸ كُّرن نَّان-اَس: "كَج سْمَانَّا هَا دَاك شُلْطَا-يَاذ سمَّا أَ هْتكُّت لْمَسَائِيل-إِذ؟ شْكَا اَك بُفْكَان شُلْطَا-يَاذ سمَّا أَ هْتكُّات-تن؟"

²⁹ ئِجَاوِب-اَهن عِيْسَى يَنَّا-اَسن: "ئِي حتَّى نكِّين دَا سَقْسِيغ غَاوِن خ يَاه ن لْحَجَا. إِمْكِي تْجَاوْبَاوِث-اَي خْفس، سَعَاكْ شَاوَن نّغ سْمَانَّا هَدَّا-اَي شُلْطاً أَ لَّا يطهَّار سَعَاكْ شَاوَن نّغ سْمَانَّا هَدَّا-اَي شُلْطاً -يَاذ زْكِي اَوَّغ لْمَسَائِيل-إِذ." ³⁰ يَنَّا-اَسن عِيْسَى: "يَحْيَى، خمَّان شُلْطاً أَ لَّا يطهَّار سَ وَامَان، وَاش زَثْ رَبِّي اَوْلَا زَثْ مدّن؟ جَاوْبَاوِث-اَي."

31 سِّيوْلن إِي بَعْطِيَاتُم نَّان: "مْكِٰي نَنَّا-اَس شُلْطَا يَاهن تدَّا-د زْغُو ربِّي سَعَاكْ شَاغن ئِقَّر عِيْسَى دَرَّمن مَا اَمْنم شِي دَاس؟ ³² وَلَكِن، إِمْكِي ننَّا-اَس شُلْطَا-يَاذ تدَّا-د زڭ مدّن؟؟؟"

ڬْسُوْطن نِهْمَا زْكِنِّي شَّعْب دَا نَان هَامْكَا أَزَال كَامْلِين تْوَالَان بلِّي يَحْيَى نَتَّا نَّبِي. ³³ نَّان-اَس إِ عِيْسَى: "نُكْنَا مَا نسّن شِي."

يُسِّيول عِيْسَى ينَّا-ٱسن: "إِيوَا حتَّى نكِّين مَا رَاوِن نَّغ شِي ݣَاع سْمَانَّا هَدَّا-ٱي شُلْطَا-يَاذ زْݣَاه وُوِّغ لْمَسَائِيل-إِذ."

لْمَعْنَا نِ لْخَمَّاسَا أَ لَّا ݣَاسِن شَّرّ

لول المحتوات المحتوات المحتوات المحتوى المحتوى المحتوى المحتوى المحتوى المحتوى المحتوات المح

أَزْرُو أَ يْتْعَفَّان-تْ لْبِنَّايَا،

شَا وْقع كْتِي لْمُوْطَع أَ يْصِبْحَن ن وُغُمْرِي ن لْسَاس.

11 سِيدِي ربِّي أَ يْسْكر اَيْهَاذ،

يَاه لْحَاجِث مْوقّْرْث!"

¹² لْحُكَّام ن أَيت-إِسْرَائِيل حْتَاجِن أَ مْرْن عِيْسَى، وَلَكِن كْسُوْطن زْكْتِي شَّعْب. فهْمن بلِّي يتْسَاوَال خفْسن عِيْسَى س لمْعُوْن-إذ. اْجَّان-ث دَّان زْذَاس.

ضَّرِيبَا ن قَيْصَر

13 كُرْن لْحُكَّام إِهِن ؤُمْرَن دَاغُو عِيْسَى شِين يفَرِّيسِيْين إِي شِين مدّن زِكْ لْحِزب ن لْمَلِك هِيرُوْدُس، حْتَاجِن اَي شِين مدّن زِكْ لْحِزب ن لْمَلِك هِيرُوْدُس، حْتَاجِن اَي مُؤَان-ث خ يَاه لْكُلْمَا نَس. 14 زْكَا دَّان-د دَاغُو عِيْسَى نَّان-اَس: "آ لْمُعَلِّم نسّن بلِّي كَدْجِين نِيشَان أَ هلَّات، مَا يَا كُصُطت شِي زِكْ مدّن أَزَال مَا يَا وَّت شِي س لُوجُه. تْعَلَّامت س لْحَقّ أَ يَاحْتَاج ربِّي أَ نْعِيش. اْنَّ-اَنخ: كَا شَا سْمح شَرِيبَا إِ لْمَلِك قَيْصَر اَه اَوْلَا؟ دَا نْخلص-اَس-ت اَه اَوْلَا؟"

15 ئِسّن عِیْسَی لقْبَاحَا نْسن ینّا-اًسن: "دَرَّمن تُوجْدَام-اَي تخْشبْت؟ فْكَاوْث-اَي دِینَار اَهن ن ضَّرِیبَا سمَّا اَي تُوالَاغ."
 16 فْكَان-اَس-ت. ینّا-اًسن: "نمْنَاهِي تصْوِیرَا-یَاذ إِي شَمِیَا-یَاذ أَ لَّا ݣَاس؟"

نَّان-اَس: "ن قَيْصَر."

¹⁷ ئِسِّيول عِيْسَى ينَّا-ٱسن: "أَ لَّا يَكِْيلُ ن قَيْصَر فْكَاوْث-اَس-ث إِ قَيْصَر. أَ لَّا ئِكْيِلُ ن ربِّي فْكَاوْث-اَس-ث إِ ربِّي." قِيمن مْعَجَّبِين كَاس.

سِيدِينغ عِيْسَى يتْبشُّر س لْحَيَات ن دِيمَا

18 قرن دَاغُو عِيْسَى شِين مدّن زِكُ لْحِزب ن ئِصَدُّوْقِيْين (قُرْن بلِّي مدّن مَا رَا كُرْن شِي زِكْ لْمَوْت). كُرْن نَّان-اَس: 19 الْمُعَلِّم، يُوْرَا-اُنغ مُوْسَى اَرْكَأَز زْكِي يمُّوْث ئِجَّا تَمْغَارْت نَس مَا يَجْ شِي لَحْشَام، تَهجَّالْت اَهن لَابُدَا اَت يَبُّ الُوْس نَس سَمًّا دَا اَجٌ إِيْدَس لَحْشَام إِ وُلكُمْ انس أَ يُمُّوثن. 20 نُكُنْا اَكِيْلُ إِيْنغ سَبْعَا اَيَثْمَا نِّغ، ئِمْلُك لُّوْلِي يمُّوْث مَا يَجْ شِي بُو لَحْشَام. هَامْكَان عَاوِد حتَّى تَالْفَا. 22 هَامْكَان عَاوِد حتَّى بَالْفَا، وَ2 هَامْكَان عَاوِد حتَّى سَابغ، مُوْثن كَامْلِين مَا جَن شِي إِيْدَس بُو لَحْشَام. كِي لَخْرِي حتَّى تَمْغَارْث اَهن تَمُّوْث. 23 نَهَار لْقِيَامَا، زْكَا تكُرْن شَي إِيْدَس بُو لَحْشَام. كِي لَخْرِي حتَّى تَمْغَارْث اَهن تمُّوْث. 23 نَهَار لْقِيَامَا، زْكَا تكُرْن شَي إِيْدَس بُو لَحْشَام. عَلْمُ لَوْتُ مَا يَثْ سَبْعَا."

²⁴ ئِسِّيول عِيْسَى ينَّا-اَسن: "كُنَّا تَخْطَام أَزَال مَا شَّنم شِي لكْتَاب، مَا شَّنم شِي حتَّى لْجُهد ن ربِّي. ²⁵ زُكَا كُرْن وُهِين أَ يُمُّوْثن يرْݣَازن إِذ تمْغَارَان مَا يَا ملْكُن شِي مَا يَا سْملْكُن شِي؛ لَّا، لَّان غَايَام لْمَلاَئِيكَا أَ لَّا كِي نَّا. ²⁶ وَلكِن وُهِين أَ يُمُّوْثن شَا كُرْن زِكْ لْمَوْت. مَا عَمْركُم مَا هقْرم كِي لكْتَاب ن مُوْسَى؟ كِي لْقِصَّا ن وُستُوْف، زْݣَاي يسِّيول وَهِين أَ يْمُوْشَى يَنَّا-اَس عِيْسَى: "نتَّا ربِّي ن إِسْحَق إِذ ربِّي ن يَعْقُوْب." ²⁷ ينَّا-اَس عِيْسَى: "نتَّا ربِّي ن إِسْحَق إِذ ربِّي ن يَعْقُوْب." ²⁷ ينَّا-اَس عِيْسَى: "نتَّا ربِّي ن وُهِين أَ لَّا مُّوْثن. كُنَّا تُخطَّام برَّاف!"

لُوْصِيَا تَيْمُوقُّرِن

²⁸ ئِدَّا-د يَان زَكُ لْمُعَلِّمِين ن شَّرِيعَا ئِتْسلّ-اَسن تْنَاقَاشن، يُوْفْ بلِّي عِيْسَى ئِجَاوِب-اَهن مْلِيح. ئِكَّر نتَّا ينَّا-اَس إِ عِيْسَى: "شْوَا هلُّ لُوْصِيَا أَ لَّا كَ تِيلٌّ تَيْمُوقُّرْن ݣَاع كِي شَّرِيعَا؟" 29 ينًا-أس عِيْسَى: "أُوْصِيَا تَيْمُوْقَرَن تُهَات ئِكَأَن: سْلَاوْث آ أَيت-إِسْرَائِيل، سِيدِي ربِّي لْإِلَه نَعْ، سِيدِي ربِّي يَان. 30 دَا تحْتِيجت سِيدِي ربِّي نَك س وُوْل نَك كَامل، س كَامل رُوْح نَك، س كَامل لْعَقل نَك، س كَامل لْجُهْد نَك. 31 لُوْصِيَا تَانْيَا تُهَات ئِكَأَن: دَا تحْتِيجت لْجَار نَك عَايَام إِغْفل نَك. مَا دَاس شِي بُو لُوْصِيَاث كُتَار زَثْ تُهَادِين." 32 ينًا-أس لْمُعَلِّم اَهن ن شَّرِيعًا: "آ لْمُعَلِّم مُلِيح، أَه تنَّات لْحَقّ. سِيدِي ربِّي يَان، مَا دَاس حْتَاين إِلَّي نتَّا. 33 ئِي عَاوِذ الْمُحَلِّم مُلِيح، أَه تنَّات لْحَقّ. سِيدِي ربِّي يَان، مَا دَاس حْتَاين إِلَى نتَّا. 33 ئِي عَاوِذ الْمُحَلِّم مُلِيح، أَه تنَّات لْحَقّ. سِيدِي ربِّي يَان، مَا دَاس حْتَاين إِلَى نتَّا. 33 ئِي عَاوِذ الْمُحَلِّم بْنَادِم ئِحْتَاج سِيدِي ربِّي س كَامل وُل نَس إِذ لَعْقل نَس إِذ لْجُهْد نَس اَد ئِحْتَاج حتَّى لْجَار نَس غَايَام إِغْفل نَس، أَيْهَاذ حُسن زَث بْنَادِم إِمْكِني يغْرض دَّبِيحَا ئِسكُمط-اَت كَامْلًا كُثِي لْعَفْيَا اَو ئِقدَّم أَيْهَاذ كُتَار إِربِّي." نَس، أَيْهَاذ حُسن زَث بْنَادِم إِمْكِني يغْرض دَّبِيحَا ئِسكُمط-اَت كَامْلًا كُثِي لْعَفْيَا اَو ئِقدّم أَيْهَاذ كُتَار إِربِّي." مَا لَات شِي بْعِيد بزَّاف خف لْمُلْك ن ربِّي." مَا لَات شِي بْعِيد بزَّاف خف لْمُلْك ن ربِّي." وَدَاس مَا يزْعَم حَدُّ اَث ئِستَقْسِي عَاذ كُتَار.

لْمَسِيح نتًّا سِيدُو ن سِيدْنَا دَاود

³⁵ عِيْسَى هَاو كَثِي تُمزْكِثِيذَا تَيْمُوقَّرْن ئِتْعَلَّام دَاس. ئِسِّيول ينَّا-ٱسن: "دَرَّمن قُرْن لْمُعَلِّمِين ن شَّرِيعَا لْمَسِيح نتَّا اَعيَّال ن دَاود؟"^{ت 36} ينَّا-ٱسن: "دَاود ينَّا نتَّا س إِغْفل نَّس س رُّوْح لْقُدُس:

سِيدِي رَبِّي يَنَّا-اًس إِ سِيدِي:
قِّيم خ لِّمِين ئِنُو
حتَّى أَ وِّخ لْعَدْيَان نَّك
زُدُو يطارن نَّك.

37 أَمْكَا رَا ٱلُّ لْمَسِيح اَعِيَّال ن دَاود؟ نتَّا دَاود ئِقّر-اَس إِ لْمَسِيح آسِيدِي."

دَّحْسَا ن مدّن تشلان-اَس، فَرْحن.

لْمُنَافِقِين

38 ئِتْعَلَّام-اَهن عِيْسَى ينَّا-اَسن: "حضْيَاوْث إِغْفل نُّوْن زِکْ لْمُعَلِّمِين ن شَّرِيعَا. نِهْمَا حْتَاجِن أَ دُّوْن س شَّلَاهم نْسن، حُتَاجِن أَ قِيمن كِي لَمْوَاطَع لُّولِيْيِين كِي تُمزْكِيْذَاون إِذ لفْرَاح. ⁴⁰ تتّن لهْجَاجل، تُبِيَّانن إِغْفل نْسن زَلَّان بِرَّاف سمَّا بِيَّانن إِ مدّن بلِّي نِهْمَا صبْحن برَّاف. وُهِيذ، لْحِسَاب نْسن شَا ٱلْ قَاسح برَّاف!"

تَهدْجَالْت تْصدّق صَّدَقَا كْتْتَار زَكْ تُوْجَر

⁴¹ ئِقِّيم عِيْسَى كِثِي تُمزُ كِيْذَا تَيْمُوقَّرِن كُوْم ن صَّنْدُوْق نَس. ئِزَر دَّحْسَا ن مدّن اَمك سْرُوْسن صَّدَاقَا نْسن كِي صَّنْدُوْق اَس. ئِزَر دَّحْسَا ن مدّن اَمك سْرُوْسن صَّدَاقَا نْسن كِي صَّنْدُوْق اَهن. بِزَّاف ن تُوْجَر تكُّن دَاس بِزَّاف ن سُّوَالْدَا. ⁴² تدَّاد يَاه تَهدْجَالْت مسْكِينَا وَاهَا تسْكَر دَاس ثْنَاين ن لبْصَاصت،

يغْنِي يَان فْرَانْك. ⁴³ ئِبرّح عِيْسَى خف لمْحَاضْرَا نّس ينَّا-آسن: "هَا تْسلَّام لْحَقّ: ثَهَدْجَالْت-اَد مسْكِينَا وَاهَا تسْكَر كْيي صّنْدُوْق كْتَار زِثْ أَ يْكُنّ كُلْشِي وِيَاط. ⁴⁴ أَزَال كُلْشِي وِيَاط فْكَان غِير أَ لَّا شَايَط خ لمْتَاع. نتَّاثَا لَّا، وَاخَّا مسْكِينَا وَاهَا تْصدّق كُلْشِي أَ كَادعْلَم."

لْعَلَامَات ن لفْنَا ن دّنْيَا

أَ زِكْتِي ئِفِّخ عِيْسَى زِكْ تُمزْكِيْذَا تَيْمُوقُرْن ئِقَرَّب دَاغْرس يَان زِكْ لَمْحَاضْرَا نَس يِنَّا-ٱس: "آ لْمُعَّلِم، زَر لَمْ عَيْسَى زِكْ تُمزْكِيْذَا تَيْمُوقُرْن ئِقَرَّب دَاغْرس يَان زِكْ لَمْحَاضْرَا نَس يِنَّا-ٱس: "آ لُمُعَّلِم، زَر لَمْ يَعْرَبُون بِقَ عَيْسَى زِكْ تُمنِّحَان!" لَمُعَلِم، وَيَعْرَبُون بِعَلَى اللهِ عَلَى اللهِ عَلَى اللهِ عَلَى اللهِ عَلَى اللهُ عَلَى عَلَى اللهُ ا

2 ئِسِّيول عِيْسَى يَنَّا-اَس: "تُوالَات لبْنِي-يَاد ششْحَال ئِتَاس-د ئِصْبح، يَاكْ؟ وَلَكِن مَا يَا قِيّم شِي دْهَادِينَاث حْتَّى يَان وُرْرُو خ وَايَط، كُلْشِي أَيْهَاد شَا رِيَّبْ."

³ زُكَّاي يقِّيم-د عِيْسَى كَ اَغِيلٌ ن زِّيتُوْن كُوْم ن تْمزْكِيذَا تَيْمُوقْرْن، ئِسَقْسَا-ث بُطْرُس إِذ يَعْقُوْب إِذ يُوْحَنَّا إِذ أَنْدُرُس بِ وَاحْدُو نَّان-اَس: ⁴ "اْنّ-اَنخ كَج فَايُوخ شَا يلُّ أَيْهَاذ؟ شُوَا هلُّ لْعَلامَا يَاهِن فَايُوخ عْلاين شَا يلَّان كُلْشِي لْمَسَائِل-إِذ؟" ⁵ ينَّا-اَسن عِيْسَى: "حضْيَاوْث إِخْفل نُّون سمَّا مَا يَا تِيسْكَر كَاوَن حَدّْ. ⁶ بزَّاف أَ لَّا شَاد دُّوْن س لْإِسم ئِنُو زَعْمَا اَد نَّى نَتَّا لْمَسِيح! أَ خَدْعن بزَّاف ن مدّن. ⁷ زُكِي تُسلَّام خ لْحُرُوْب إِذ لخْبَار ن لْحُرُوْب مَا يَا كُسُوْطم شِي، لَابُدَا نَى نَكِين نَتَّا لْمَسِيح! أَ خَدْعن بزَّاف ن مدّن. ⁸ زُكِي تُسلَّام خ لْحُرُوْب إِذ لخْبَار ن لْحُرُوْب مَا يَا كُسُوْطم شِي، لَابُدَا زَلْ مَا رَا تَفْنَا شِي. ⁸ دَّوْلَا شَا هْجم خ دَّوْلَا، لْممْلَكَا شَا هْجم خ لْممْلَكَا. شَا اَلْ اَرْسِين وُ شَا يوقع زَلْزَال كِي برَّاف ن لمْوَاطَع. أَيْهَاذ شَا اَلْ غَايَام لحْرِيق لُّولِي ن تمْغَارْت أَ هتَارو.

 9 حضْيَاوْث إِغْفَل نُّوْن! شَاوْنِي سَلَّمن إِ لْمحْكَامَاث، شَاوَن وْثِن كِي تُمزْكِيْذَاوِن نُسن. أَ بَدُّذُم كُوْم ن لُحُكَّام إِذ لُمُلُوْكَاث خ لَاحْسَاب لْإِسم ئِنُو سَمَّا اَد تُشهْدم خْفِي. 10 لُوَّل ئِحْصّ-اَس اَد ئِتْبشَّر لْإِنْجِيل إِ لَكُنْنُوس كَامْلِين. 11 زْݣَاي لَمُلُوْكَاث خ لَاحْسَاب لْإِسم ئِنُو سَمَّا اَد تُشهْدم خْفِي اَيْهِن أَ لَّا شَا نّم؛ لَّا، وُهن لكْلام أَ لَّا شَا نّم كِي تُسَاعت تَاوي-يَاوَن سَمَّا اَوَن ئِسلَّم دَار اَشْرَع، مَا يَا فكُرْم شِي كِي اَيْهِن أَ لَّا شَا نّم؛ لَّا، وُهن لكْلام أَ لَّا شَا نّم كِي تُسَاعت اَهن رَبِّي أَ لَّا شَاوَن ئِفْكَا-ت. مَاشِي كُنَّا شَا سِّيوْلم؛ لَّا، شَا سِّيول رُوْح لْقُدُس. 12 أَكْمَاس شَا سلّم أَكْمَاس دَار لَمُوْت. بَابَا نّس شَا سلّم اَعِيَّال نّس. لحْشَام تُوْتُوْن ضد لْوَلِدِين نْسن، دَا يْسلَّمن-تن إِ وُهِين أَ لَّا شَان نْعن. 13 شَاوَن يُغْفَى كُلْشِي مَدِّن خ لَاحْسَاب لْإِسم ئِنُو، وَلَكِن وُهِن أَ لَّا شَا صْبَر لخْرِي سَعَا شَا نُجُو.

 14 الله الله المعارفة ا

²¹ إِمْكِنِي ينَّا-اُوَن يَان إِشِي: زُرَاوْث! رَاه دْهَاد لْمَسِيح! أَوْلَا، هَاو دَانِي! مَا يَا تِيقّم شِي. ²² بزَّاف أَ لَّا شَاد ظهْرن س لكْدُوْب شَا نَّان نكِّين نتَّا لْمَسِيح اَوْلَّا نكِّين زكْ لْأَنْبِيَا. شَا كُّن لْمُعْجِيزَاث أَ يْمُوْقُرْن إِذ لعْجَايب زَعْمَا سمَّا أَ تسْكَارِن َّ مَدِّن. كَا زِمِّرِن، إِكُوْن خَدْعَن وُهِين أَ لَّا يَخْطَر رَبِّي. ²³ أَلَّاوْث خف لْبَال كُنَّا! هَا نكِّين علَّمَغ-اَوَن خ كُلْشِي أَيْهَاذ قْبل مَا يَا تِيلٌ.

²⁴ سْفِير تَمَارَا ن لْأَيَّامَات إِهِن، تَفُوْكْت دَا قُوْل-د اَسلَّاس اَيْوَار مَا يفكُّ شِي ضَّاو. ²⁵ نَّجُوْم دَا حَصَّلن زَكْ اَنَّا، وُهِين أَ يْجهْدن کُ اَنَّا شَان ئِزَعْزَع رَبِّي. ²⁶ كِي تَسَاعَت اَهن شَا زُرن اَعيَّال ن بْنَادم هوَّا-د كِي سكْنَاو س لْعَظَمَا ن لُجُهْد نَس أَ يْمُوقَّرْن. ²⁷ شَاد يُوْمَر لْمَلَائِكَات نَس دَار اَربْعَا ن لمْوَاطَع ن ترْحَابْت سْمَانَا يتُوثُوُّ-د اَرْوَاح: شَّرْق إِذ لْغَرْب إِذ شَّمَال. شَا جْمِع وُهِين أَ لَّا يخْطَر زَكْ لْحَدُّ ن دَّيْيَا-يَاذ دَار لْحَدُّ ن اَنَّا.

28 تْعَلْمَاوْث يَاه لْمَعْنَى زِكْ تَكْثِيكْنْت ن تَازَارْت. غِير ئِفَاتِّن نَس سمْغِين-د اَذ اَكُن ئِفْرَاون، أَل اَد تسَّنم بلِّي سْخَانَا هَقَرَّب-د. ²⁹ هَامْكَا ئِيْ حَتَّى كُنَّا. زْݣَا هَزَّرم لْمَسَائِيل-إِذ أَ يْتَوْقْعَن اَل اَد تسَّنَم بلِّي أَيْهَاذ ئِقَرَّب-د، هَاو كُوْم ن تَكُنُّورْت. هَقَرَّب-د. عَلَى يَا تِيلُّ كُلْشِي أَيْهَاذ. ³¹ شَا فْنَا أَنَّا إِذ تَرْحَابْت، وَلَكِن لْهدْرَا ئِنُو مَا يَا مُّوثِن شِي حَتَّى يَا تِيلُّ كُلْشِي أَيْهَاذ. ³¹ شَا فْنَا أَنَّا إِذ تَرْحَابْت، وَلَكِن لْهدْرَا ئِنُو مَا يَا فْنَا شِي عُمَّرَا.

³² عيّن، نْهَار اَهن اَو تَسَاعَت اَهن مَا يَات ئِسّن حْتَاين، لَّا لْمَلَائِكَاث كْثِي اَنَّا وَالَا اَعَيَّال نَس. ئِسّن-اَت غِير بَابَا بْ وَاحْدُو. ³³ حَضْيَاوْث إِغْفَل نُّوْن، اَلَّام عْلَابَال أَزَال مَا يسْنم شِي فَايْوخ شَاد دُّو لْوقْت اَهن.

³⁴ نْهَار اَهن شَا اَلْ ْغَايَام يَان سِّيد شَا سَفر. ئِفِّغ زِ ثُ وخْيَام نِّس، ئِخدَّامن نِّس ئِكلَّف-اَهن خ لَمْتَاع نِّس كُل يَان خ لْخدْمَا نِّس. ئِوصَّا اَعسَّاس ن تَكُُّوْرْت دَا قِيم فَايِّق. ³⁵ خ أَيْهَاذ فِيقَاوْث بَعْدَا، مَا يَا شَّنم شِي فَايْوِخ شَا قُُوْل-د مُوْل اَخْيَام. مَا يَا شَّنم شِي كَا كِثِي لَعْشِيَا اَوْلَا ثُ وَامَّاس ن وُسَالَّاس اَوْلَا زْكَاي يَتْبرَّاح اَبْدِيك اَوْلَا كِثِي لَفْجَر. ³⁶ اَغْرُوْن اَد ئِدُو عَلَاغْفْلَا اَوَن يُوْف تطَّصم! ³⁷ شُوَا قَرْغ-اَوَن، قَرغ-ت إِكُلْشِي: أَلَّاوْت خ لْبَال!"

يَاه تَمْغَارْت تُدهِّن سِيدِينغ عِيْسَى س وَامَان ن زْهَار

لَّا تَقِّيم-اَس يُوْمَاين إِ لْعِيد اَيمُوْقُرْن ن أَيت-إِسْرَائِيل إِذ لْعِيد أَ لَّا قُرْن لْعِيد ن تفْطِيرْت. رُّوْيَاس ن لْفُقَهَا إِذ الْعِيد أَ لَا قُرْن لْعِيد ن تفْطِيرْت. رُّوْيَاس ن لْفُقَهَا إِذ الْعِيد أَ يَعْن عَيْسَى س تحْرَايْمِيت أَيْ نْعَن-ث. ² نَّان بَايْنَاثم: "ئِخصٌ مَا يَا نْمَرْ شِي لْفُوْضَا."
 "ئِخصٌ مَا يَا نْمَرْ شِي كُي لْعِيد سمَّا شَّعْب مَا يَا سْكَر شِي لْفُوْضَا."

3 عِيْسَى هَاو كِيْ لْبِيلَاج ن بَيْت عَنْيَا كَ وَخْيَام ن يَان قُرْن-اَس سِمْعَان بُو-جْدَام. زُكَّاي يقِّيم دَاس يِتتْ، تْقَرَّاب-د دَاغْرس يَاه تَمْغَارْت غْرس يَاه رَّدُوْمَا كَاس اَمَان ن زْهَار صْفَان، غَالْيِين بزَّاف. تفْتح-اَت تْسفْ-اَهن خ دُّمَاغ نّس. 4 يَان اَكْرَا زُكَّاسن لِْحَال نَّان بَايْنَاتُم: "دَرَّمن ݣَاع لفْسَاد-اَذ ن وَامَان ن زْهَار؟ 5 اَمَان إهِن شَا اَلَّن مزْنُوْزِين سَيَان تَّمَان اَيمُوْقُرُن كُتَار زَكْ تلْتُمِيَّا ن لْبِيَّاسَاث ن نُّقْرًا اَيْ تَفْكَاوْ إِيمسْعَاين!" قِيمن نِهْمَا نهَّان-ت بزَّاف.

 6 ينّا-اًسن عِيْسَى: "اجّاو-تث! دَرَّمن تْديَّاقَم-تث؟ أَل أَيْهَاذ أَ هْتَكُّا-اَي يَصْبِح بزَّاف. 7 ئِمسْعَاين هَام إِيْذُن دِيمَا. فَايْوخ مَا تحْتَاجِم دَا زِمَّرِم أَ كُم ݣَاسن لْخِير، نكِّين مَا يَا قِيمِغ شِي إِذُوْن دِيمَا. 8 تَسْكُر أَ لَّا خْفس. تُسفَّا-اَي اَمَان إِهِن ن زُهَار خ دَّات ئِنُو سمَّا هَتْوَّاجد-اَي دَار اَزْكَّا ينُو. 9 هَا تُسلَّام لْحَقّ: اَنَا مَا يلْكم-د لْإِنْجِيل كِي دّنْيَا هَامْكَا كَامْلَا، أَد عُوْدَن خ تمْغَارْت-اَذ إِذ شُوَا هِكُّا-اَيْ غَايَام يَاه ن دِّكْرَا خْفس."

10 ئِكَّر يَهُوْدَا إِسْغَرْيُوْطِي ؤُهن زَكْ تَنْعَاش ن رُّسُل ئِقلَّع نَتَّا دَاغُو رُّوْيَاس ن لْفُقَهَا سمَّا رَا يزْنُوْز-اَسن عِيْسَى. 11 سلّن اَيْهَاذ فَرْحن وَعْدن-ث ذَاس فْكَان لفْلُوْس. زْدَاس ئِتْعيَّان يَهُوْدَا لْفُرْصَا اَمْكَا شَا سْكَر سمَّا دَايْ يزْنُوْز-اَسن.

لَعْشَا ن لْعِيد أيمُوقُرن ن أيت-إِسْرَائِيل

12 نْهَار لُّوْلِي ن لْعِيذ ن تَفْطِيرْت، نْهَار أَ لَّا غَرْصن لْعِيذ، سَقْسَان لمْحَاضْرَا عِيْسَى نَّان-اَس: "اَنَا حْتَاجِت أَ ندُّو اَكُ نُوجّد لَعْشَا ن لْعِيذ اَيمُوقَّرْن؟"

13 ئِكَّر عِيْسَى يَخْطَر ثْنَايِن زِكْ لَمْحَاضْرَا نَس يُوْمَر-اَهِن يَنَّا-اَسن: "نْدَاوْث دَار لَمْدِينَا، شَا يْتْلَاقَا إِيذُن يَان ورْكَاز هَازُّ الْقِدْرَا ن وَامَان، تَبْعَاوْث-يَد. ¹⁴ أَنَا مَا يَكْشَم نَّاوِّث-اَس إِ مُوْل اَخْيَام اَهِن، يَنَّا-كُ لَمُعَلِّم: أَنَا يِلُّ لُمَحَال ئِنُو أَ لَا شَا لِقِدْرَا ن وَامَان، تَبْعَاوْث-يذ. ¹⁴ أَنَا مَا يَكْشَم نَّاوِّث-اَس إِ مُوْل اَخْيَام اَهِن، يَنَّا-كُ لُمُعَلِّم: أَنَا يِلُّ لُمُحَال ئِنُو أَنَا مَا يَكْشُم نَّوْجُدم." ¹⁶ دَّان عِيْد غَنَّان أَيْهَان اَيْهَان الْعُيْمِ وَجُّدن لَعْشَا ن لُعِيذ.

¹⁷ ئِلْكم-د لِّيل، ئِدَّا-د عِيْسَى إِيذ تنْعَاش ن رُّسُل نَس. ¹⁸ قِيمن تتّن ينَّا-اُسن عِيْسَى: "هَا تُسلَّام لْحَقّ: يَان زُݣَاوِن ئِتتْ إِيذِي شَاث ئِزْنَر."

19 ئِقِّيم ݣَاسن لْحَال لمْحَاضْرَا نّس تْسقْسَان-ث يَان س يَان: "مَاشِي نكِّين، يَاكْ؟"

²⁰ ئِسِّيول عِيْسَى ينَّا-ٱسن: "يَان زْݣَاون زَݣَ تنْعَاش إِذُوْن، ؤُهن أَ يْسِّيسن إِيذِي كَيْ طَّبْصِيل." ²¹ ينَّا-ٱسن: "أَعيَّال ن بْنَادم اَس يوْقع خ لَاحْسَاب اَمْكَا يقَّر خْفس لكْتَاب. يَا لفْضِيحَا ن بْنَادم اَهن أَ لَّا شَاث ئِزْنُوْز! حْسن دَارس كَا ئِكْيلٌ مَا يخْلق شِي."

²² فَايْوخ عَاذ تتّن، ئِرْفع اَغْرُوْم ئِشْكَر رَبِّي يكسَّار اَغْرُوْم اَهن ئِفْكَا-اَسن- فِ اِلمْحَاضْرَا نَس ينَّا-اَسن: "الْبَاو-ت، وُهَاذ يَكَان دَّات ئِنُو." ²³ ئِبُ لْكَاس ئِشْكَر رَبِّي يفْكَا-اَسن- ث، سْوَان زْݣَاس كُلْشِي بِهم. ²⁴ ينَّا-اَسن: "لْكَاس-اَذ ݣَاس يَكْأَن دَّات ئِنُو." ²³ ئِبُو أَ لَّا شَا زَلْ خ لَاحْسَاب بزَّاف ن مدّن. ²⁵ هَا تُسلَّام لْحَقّ: سِيهَا تَالْع مَا رَا سُوغ شِي س اَذَمٌّ ن لُعَهد، يعْنِي اَذَمٌّ ئِنُو أَ لَّا شَا زَلْ خ لَاحْسَاب بزَّاف ن مدّن. ²⁵ هَا تُسلَّام لْحَقّ: سِيهَا تَالْع مَا رَا سُوغ شِي س وَامَان-إِذ ن وَاطِيل حتَّى نْهَار اَهن شَايْ سُوَغ زَكْ لَجْدِيد كِي لْمُلْك ن ربِّي." ²⁶ غَنَّان يَاه لْغُنِيَّا ن لْعِيذ زْدَاس فَّغن قلْعن دَار اَغِيلٌ ن زِيتُوْن.

سِيدِينغ عِيْسَى يتْسَاوَال خ نُكْرَان ن بُطْرُس

27 ينًّا-ٱسن عِيْسَى إِ لمْحَاضْرَا نّس: "شَا سمْحم ݣَاي كَامْلِين بِكُم أَزَال يقَّر لكْتَاب:

شَا ؤُوْتغ ؤُهن أَ يْتْهرَّامن بِبرِّيْين،

كُل يَان زِكْ تَنْغُوْرْت آنَا شَا رْوَل.

- 28 وَلَكِن زْݣَايْ شَا كُرْغ زِكْ لْمَوْت، شَا زْوِيرغ-اَون نكِّين دَار تَرْحَابْت ن لْجَلِيل."
 - 29 ينَّا-ٱس بُطْرُس: "وَاخَّا دَا سمْحن ݣَاكْ كُلْشِي، نكِّين مَا يَا سمْحغ شِي ݣَاكْ."
- 30 ئِرِّي-د خْفس عِيْسَى ينَّا-اُس: "هَا تسْلت لْحَقّ: لِّيلَا-يَاذ تْهَاذ قْبل مَا يَا يْبرّح اَبْدِيك مَرَّثَاين دَايْ تنْكرت تْلَاثَا ن لْمَّات."

31 ينَّا-ٱس بُطْرُس نتَّا مثَّأَكَّد: "نكِّين مَا رَاكَ نكْرغ شِي وَاخَّا إِيْذك أَ مُّوثغ." هَامْكَا نَّان كُلْشِي لمْحَاضْرَا.

سِيدِينغ عِيْسَى يتْزَالَّا كِي اَغِيلٌ ن زِّيتُوْن

³² ئِدَّا-ذ عِيْسَى إِذ لمْحَاضْرَا نِّس دَار يَان ن لْمُوْطَع قَرْن-اَس ' ݣَتْسِمَانِي '. ينَّا-اَسن: "قِيمَاوْث دْهَاذ، نكِّين شَا دُّوْغ دَارْيَان أَ زُّوْلِغ." ³³ ئِبْدَس بُطْرُس إِذ يَعْقُوْب إِذ يُوْحَنَّا، ئِبْدَا يتْرَعَابْ ئِتْديَّاق. ³⁴ ينَّا-اَسن: "وَلُ ئِنُو يحْتَاج أَ بَّاك س دَارْيَان أَ زُّوْلَغ." دَهَا فِلْوْب إِربِّي يحْتَاج أَ كُوس خْفس لْحُون. قِيمَاوْث دْهَاذ فَايَّقِين." ³⁵ ئِبعّذ خفْسن شُويْوش، ئِسجّد دَار تَرْحَابْت ئِبْدَا يطْلُوْب إِربِّي يحْتَاج أَ كُوس خفس تَسَاعَت آهن. ³⁶ ينَّا: "آ بَابَا كَدْجِين كُلْشِي تْزمُّرَات-اَس، بَعّد خْفِي لْكَاس-اَذ ن لعْدَاب. مَاشِي غَايَام حْتِيجِغ نكِّين؛ لَا، أَمْكَا يحْتَاج لْخَاتر نَّك كَدْجِين."

³⁷ يُقلّ - د دَاغُو لَمْحَاضْرَا إِهِن يُوْفَا-اَهن طُّصن، ينَّا-اَس إِ بُطْرُس: "كَا تطُّصت آ بُطْرُس؟ وَاش مَا يَا زَمِّرت شِي أَ كُرْت إِيْذِي وَاخَّا يَاه تَسَاعَت وَاهَا؟ ³⁸ الَّاوْث عْلَابَال أَوُّولَاوْث سمَّا مَا يَا كَشْمم شِي كِي لَمْحَايّن. وُل ن بْنَادم يوْجذ وَلَكِن إِيْذِي وَاخَّا يَاه تَسَاعَت وَاهَا؟ ³⁸ الَّاوْث عْلَابَال أَوْلاَوْث سمَّا مَا يَا كَشْمم شِي كِي لَمْحَايّن. وُل ن بْنَادم يوْجذ وَلكِن دَّات نَس تَدْعَف." ³⁹ يُبَعّذ خفْسن عَاوذ يُطلب ربِّي غَايَام لُّولْ. ⁴⁰ يُقلّ - د عَاوذ دَاعَرْسن يُوفَا-اَهن طُّصن أَزَال بُغلّب خفْسن نُّعَاس. نِهْمَا عَاوذ مَا وْفَان اَس قُرْن. ⁴¹ يُقلّ - د دَاغَرْسن كِي لْمَرَّا تُلاَثَا ينَّا-اَسن: "عَاذ تطُّصم، عَاذ تْريَّحم؟ ضَافِي، بَرَكَا! تلْكم-د لُوقْت اَهن أَلَّا تُسلّم اَعَيَّال ن بْنَادم دَار ئِفَاسّن ن وُهِين أَ يُعصَّان. ⁴² كُرَّاوْث أَ نْدُو وُهن أَ لَا شَات بُوْنَرَ هَاو يدَّا - ذ."

أيت-إسْرَائِيل إِذ يرُوْمَانِيْين تمْزَن سِيدِينغ عِيْسَى

43 يَالَّه عِيْسَى يتْسَاوَال ئِلْكم-د يَهُوْدَا، يَان زَكْ تنْعَاش إِهِن ن رُّسُل نَس. ئِبُّ إِيْدْس دَّحْسَا ن مدّن رفْعن شْيُوْفَا إِذ دُّبَابز. يُوْمرَاو-تن-د رُّوْيَاس ن لْفُقَهَا إِذ لْمُعَلِّمِين ن شَّرِيعَا إِذ اَيْمُوقَّرَن ن أَيت-إِسْرَائِيل.

44 وُهن أَ لَّا شَاتْ ئِزْنَر ئِعْنِي يَهُوْدَا قَبْل اَكْثِيلٌ ئِتَافِق إِيْسَن خ يَاه لْعَلامَا يَنَّا-اُسن: وُهن خمّن شَا سلَّمخ نَتَا تُهَاذ خمَّا تُعيَّانِم. أَمْزَاوْث، ابَّاوْث محْضِي. ⁴⁵ صَافِي يدَّا-ذ يَهُوْدَا يقَرَّب دَاغُو عِيْسَى ينَّا-اُس: "آ سِيدِي." سَعَا ئِسلّم خْفس. ⁴⁶ كِي تَسَاعَت اَهن سرْسن خْفس ئِفَاسِّن نْسن اَمْزَن-ث. ⁴⁷ يَان زَثْ وُهِين أَ لَّا دَاس ئِجْبذ سَّيْف ئِوَّتْ زُكَاس لَعْبِيد ن رَّايس ن لْفُقَهَا يقطّع-اَس اَمَزُّوْثُ.

⁴⁸ ينَّا-ٱسن عِيْسَى: "كَا صْحَاب-كُم نكِّين لْمُجْرِم زْݣَا هْرفْعم شَيُوْفَا إِذ دُّبَابز سمَّا تَامْزَام-اَي اَوْلَا؟ ⁴⁹ كُلَّاغ قِيمغ إِيْدُن كُل نْهَار كِي تْمزْكِيذَا تَيْمُوقَرْن تْعلَّامخ دَاس، مَا همْزَام-اَي شِي. وَلَكِن كُلْشِي أَيْهَاذ يوْقع سمَّا أَ كمّل أَ لَّا مُوْرِي كِيْ نَهَار كِي تَمناعَت اَهن سمْحن كَأس كُلْشِي روْلن.

51 ئِتْبع-ث يَان ؤُعيَّال، خْفس تَشَامِّيرْت وَاهَا. اَمْزَان-ث 52 وَلَكِن نتَّا يرْول-اَسن عُرْيَان يجٌّ دَاس تَشَامِّيرْت نَّس.

سِيدِينغ عِيْسَى خُوْم ن لْحُكَّام ن أَيت-إِسْرَائِيل

53 بّنْ عِيْسَى دَاغُو اَرَّايس ن لْفُقَهَا. جْتَامْعن إِيْدْس كُلْشِي رُّوْيَاس ن لْفُقَهَا، إِذ اَيمُوْقَرَن ن أَيت-إِسْرَائِيل، إِذ لْمُعَلِّمِين ن قَيْسَى دَاغُو اَرَّايس اَهن. ئِقِّيم إِيْ لْعَسَّاسَا يحمُّو غُو لْعَفْيَا. وَشَرِيعَا. ⁵⁴ ئِتْبع-ث بُطْرُس زْكِي لْبُعَد، ئِكْشم دَاغُو اَمْرَاح ن ؤُخْيَام ن رَّايس اَهن. ئِقِّيم إِيْ لْعَسَّاسَا يحمُّو غُو لْعَفْيَا. 55 رُّوْيَاس ن لْفُقَهَا إِذ كُلْشِي لْجْمَاعَا ن لْحُكَّام ن أَيت-إِسْرَائِيل حْتَاجِن شُّهَادَا ضد عِيْسَي سمَّا اَث ئِنْعَن وَلَكِن مَا

رَا وُفَان وَالُو. 56 بزَّاف أَ يْشَهَّدن خْفس زُّوْر، وَلَكِن غَرْسن تَنَاقُض كِي شُهادَا نْسن كُل يَان مَا يَقَر. 57 كُرْن لْبَعْض شهْدن خْفس زُّوْر نَّان: 58 "نتْسل-اَس ئِقَّر نكِّين دَا رِيَّبَغْ تَمزُ كِيْذَا-يَاد تَيْمُوْقُوْن أَ لَّا بْنَان مدّن س ئِفَاسّن، أَ بْنُوْغ يَاه شهْدن خُفس زُّوْر نَّان: 58 "نتْسل-اَس ئِقَاسّن." 59 وَلَكِن عَاوِذ غَرْسن تَنَاقُض كِي شُهادَا يَاهِن نُسن كُل يَان مَا يَات يَبْنِين شِي مدّن س ئِفَاسّن." 59 وَلَكِن عَاوِذ غَرْسن تَنَاقُض كِي شُهادَا يَاهِن نُسن كُل يَان مَا يَقَر. 60 ئِبِدّذ اَرَّايس ن لْفُقَهَا ثُ وَامَّاس ن لْجْمَاعَا يَنَّا-اُس إِ عِيْسَى: "مَا رَا نَّات وَالُو كَدْجِين؟ خمَّا شهُّدن خُفك مَدّن-إِذ؟" 61 ئِقِيم عِيْسَى سَاكَث مَا يرِّي-د شِي خُفس. ئِكَر ئِستَقْسَا-ث عَاوِذ اَرَّايس ن لْفُقَهَا يَنَّا-اُس: "وَاش كَدْجِين وُهِن لْمَسِيح اَعَيَّال ن ربِّي أَ لَّا ئِكِيْلُ مُبَارِك؟"

⁶² ينَّا-ٱسَ عِيْسَى: "الِّيه، نكِّين. كُنَّا دَا زُرم اَعيَّال ن بْنَادم ئِقِّيم خ لِّمِين ن لَقْوِي. دَا زُرم عَاوذ ئِهوَّا-د ػ ؤُسكْْنَاو ن انَّا."

63 أَرَّيس ن لْفُقَهَا يقطَّع لحْوَايج خ إِغْفل نَس ينَّا-ٱسن: "مَا رَا نحْتِيج بُو شُّهُوْد! ⁶⁴ كَا تسْلَام-اَس ئِقَّر لْمُنْكَر خف سِيدِي ربِّي؟ شْوَا يتُوْثُور-اَون-د؟" كُلْشِي حكْمن خْفس بلِّي يسْتَاهل لْمَوْت.

65 زْدَاس بْدَان لْبَعْض زْݣَاسن شُوْسُوْفن خْفس. غطَّان-اَس خ وُكَمَّار نَس تكَّاثن-ث س لْپُوْنْيَاث قُرْن-اَس: إِيوَا آ نَّبِي سِيول! بَّانْ-ثِيد لْعَسَّاسَا تكَّاثن-ث س ئِبُوْرَاق.

بُطْرُس ئِتْنكَّر سِيدِينغ عِيْسَى

66 بُطْرُس ئِقِّيم دَار لْبَرَّا هَابِط کُ ؤُمْرَاح. تْقَرَّب دَاغْرِس يَاه ن تَخدَّامْت ن اَرَّايِس ن لْفُقَهَا. ⁶⁷ تَزْرَا-ثْ ئِسِيحْمُو غُو لْعَفْيَا، تزَّر ݣَاس مْلِيح تنَّا-ٱس: "ئِيْ حتَّى كَدْجِين أَ هلَّات إِيْ عِيْسَى زِكْ نَاصِرَا."

68 ئِنْكَر بُطْرُس ينَّا-ٱس: "مَا فَهْمَغ-اَم شِي مَا شَّنغ-اَم شِي خَمِّن تسَّاوَالت!" ئِفَّغ بُطْرُس ئِقلَّع إِ طَّارْف ن تَكُثُّوْرْت ن وُمْرَاح. [ڭِي تَسَاعَت اَهن ئِبرِّح اَبْدِيك.]

69 تَوْرَا-ثُ تَخدَّامْت اَهن دَاس تنَّا-ٱسن عَاوِذ إِ وُهِين أَيْبدُّذن كِي لْمُوْطَع اَهن: "هَا اَرْݣَاز-اَذ وُهَاذ زْݣَاسن."

⁷⁰ ئِنْكَر بُطْرُس عَاوذ. سْفِير شْوِيوش نَّان-اَس ؤُهِين أَ يْبدَّذن كَثِي لْمُوْطَع اَهن: "إِيوَا نِيشَان، كَدْجِين يَان زَّݣَاسن أَزَال كَدْجِين زِكْ لْجَلِيل."

71 ئِكَّر بُطْرُس ئِبْدَا يَتْحرَّام إِغْفل نِّس ئِتْݣَلَّا يقَّر-اَسن: "أَرْݣَاز-اَذ إِخْمَا تْسَاوَالم نكِّين مَا شَّنغ-ث شِي!" ⁷² ئِي دَاس ئِبرِّح اَبْدِيك مَرَّثَاين دَايْ ئِبرِّح اَبْدِيك مَرَّثَاين دَايْ ئِبرِّح اَبْدِيك مَرَّثَاين دَايْ تَنْكرت تْلَاثَا ن لْمَرَّات. فَايْوخ ئِفكَّر كِي أَيْهَاذ ئِتْرُو يْمطَّاون مَلّْحِين بزَّاف.

تَّاوِين سِيدِينغ عِيْسَى دَاغُو لْحَاكم بِيلَاطُس

1 وَ كُنْ يِفَاوِث لْحَال، نْجَمْعُو رُّوْيَاس ن لْفُقَهَا، إِذ آيْمُوْقَّرَن ن أَيت-إِسْرَائِيل، إِذ لْمُعَلِّمِين ن شَرِيعًا، إِي كُلْشِي يْفَاوِث لْحُكَّام نْسن تْشَاوْرُو إِي بَعْطِيَاتُم. مْزَان عِيْسَى بَّان-ث اَيْ سَلَّمْن إِ لْحَاكم اَرُّوْمَانِي إِمَا لَّوْرَه بِيلَاطُس.

2 ئِسَّقْسَا-ث بِيلَاطُس يَنَّا-اًس: "كَا كَدْجِين لْمَلِكْ ن أَيت-إِسْرَائِيل؟" يَنَّا-اُس عِيْسَى: "تنَّات-يتْ كَدْجِين."

3 قِيمن دَاس رُّوْيَاس ن لْفُقَهَا تْشكَّان خْفس برَّاف.

⁴ ينَّا-ٱس بِيلَاطُس إِ عِيْسَى: "كَا مَا رَا نَّات وَالُو؟ زَر ششْحَال تْشكَّان خْفك!" ⁵ ئِقِّيم بِيلَاطُس مْعَجّب زْݣَاي مَا يرِّي-د شِي خْفس بُو لْهدْرَا عِيْسَي.

6 زڭ كُل لْعِيد اَيْمُوْقُرْن مُولّف بِيلَاطُس ئِطلُّوْق-اَسن إِ يَان ن لْمحْبُوْس خ لَاحْسَاب ؤُهن أَ يْخصُّ شَّعْب. 7 يَان ن لْمحْبُوْس قَّرْن-اَس بَارَابَاس ݣَان-ث كِي لْحَبْس إِيْد ؤُهِين أَ تْحرَّابن ضد إِ لْمخْزن أَزَال نْعْن يَان ن بْنَادم كِي لْفَوْضَا. 8 علَّان دّحْسَا ن مدّن دَاغُو بِيلَاطُس، بْدَان طْلُوْبن زْݣَاس اَسن يفَكْ أَ لَّا مُولّف يتكّ-اَسن.

9 ينَّا-اُسن بِيلَاطُس: "كَا هحْتَاجِم أَ طلْقغ-اَون لْمَلِك ن أَيت-إِسْرَائِيل؟" 10 ئِسّن بِيلَاطُس بلِّي رُّوْيَاس إِهِن ن لْفُقَهَا سَرَّمن-اَس عِيْسَى أَزَال حسَّدن-ث. 11 كَّرِن رُّوْيَاس إِهِن ن لْفُقَهَا قلْبن دُّمَاغ ن دَّحْسَا يَاهن ن مدّن سمَّا يطلُوْق-اَسن إِ بَارَابَاس، 12 ئِسِّيول بِيلَاطُس ِينَّا-اُسن: "إِيوَا مَا رَاس وَّغ إِ بْنَادم-اَذ إِمَا هقَّرْم أَ لَّا نَتَّا لْمَلِك ن أَيت-إِسْرَائِيل؟"

13 سْنكُّرِن لْغَاوْتَا س لْجُهْد قَرَن: "صَلَّبَاو-ثْ!"

14 ينَّا-اًسن بِيلَاطُس: "دَرُّمن؟ شُوَا هلُّ لْمُصِيبًا أَ يُسْكر وُهَاذ؟"

وَلَكِن اْرِنَّان سْنكِّرن لْغَاوْتَا س لْجُهْد قَرَن: "صَلّْبَاوْ-ثْ!"

15 بِيلَّاطُس زْݣَاي يحْتَاج أَ سعّف دَّحْسَا يَاهن ن مدّن، ئِطْلق-اَسن إِ بَارَابَاس. زْدَاس ؤُوْثَان عِيْسَى س ؤُسْغُوْن ئِسلّم-اَسن-ث سمَّا اَيْ تْصَلَّبنْ-ث خ صَّليب.

16 بَّان-ث لْعَسْكَار دَار دَّاخل دَار ومْرَاح ن لقْصَار ن لْحَاكم، جمَّعن دَاس كُلْشِي لْفِرْقَا ن لْعَسْكَار إِهِن. ¹⁷ ݣَان-أس خُفس سَّلْهَام أحمْرَاوْ. ث يُتُوضّف-أس يَان تَّاج ن يُسنَّانن ݣَّان-أس-ت خ دُّمَاغ نَس، شُوسُوْفن خْفس، ركَّعَان-أس سجَّدَان-أس. سَّلَام آ لْمَلِك ن أَيت-إِسْرَائِيل. ¹⁹ تكَّاثن-ث س يَان وُقْصب دَار دُّمَاغ نَس، شُوسُوْفن خْفس، ركَّعَان-أس سجَّدَان-أس.

بَّان سِيدِينغ عِيْسَى سمَّا أَ يصلُّبن-ث

20 زْݣَاي كُمّْلن خْفس تّْفْلِيَا، كُسن-اَس سّلْهَام اَهن اَحمْرَاوْ ݣَان-اَس لْبَاس نّس بَّان-ڤ سمَّا اَيْ تْصَلّْبن-ڤ.

²¹ يَان ن ورْݣَاز ئِدَّا-ذ زڭ لْبَدِيَا يذْرَا زْدَاس. أَرْݣَاز اَهن زَݣَ لَمْدِينَا ن لْقُرِينَا قُرَن-اَس سِمْعَان، نتَّا بَابَا نَس ن إِسْكَنْدر إِيْذ أَرُوْفُوْس. ݣَان خْفس لْعَسْكَار صَّلِيب س دُّرَع سمَّا اَث ئِلقّم.

²² ببّان عِيْسَى دَار يَان لْمُوْطَع قُرْن-اَس 'كُلْݣُوْطَا'. (لْمَعْنَا ن شَّمِيَا-يَاذ: لْمُوْطَع ن لْجُمْجُمَا.) ²³ فْكَان-اَس اَمَان ن وَاطِيل بِخلّط كَاسن يَان ن دُّوَا مرٌ قُرْن-اَس مُرٌ، وَلَكِن مَا يحْتَاج عِيْسَى اَن يسوْ. ²⁴ صَلَّبن-ث، فرْقن لْبَاس نّس إِي بَعْطِيَاثُم. كَان لْقُرْعَا سمَّا كُل يَان شُوَا أَ لَّا شَا اَبْ. ²⁵ أَكْ تِيلٌ تسْعَا ن صْبَاح زْكِي صلَّبن-ث. ²⁶ دَار دُّمَاغ نّس بَعْطِيَاثُم. كَان لُقُرْعَا سمَّا كُل يَان شُوا أَ لَّا شَا اَبْ. ²⁵ أَكْ تِيلٌ تسْعَا ن صْبَاح زْكِي صلَّبن إِيْدَس ثْنَاين ن بِمَاكَارِن يَان كَان -اَس يَان تلْوِيحَات مُوْرِي كَاس تُهْمَا أَ يَقُرن: "وُهَاذ لْمَلِك ن أَيت-إِسْرَائِيل." ²⁷ صلَّبن إِيْدَس ثْنَاين ن بِمَاكَارِن يَان خ لِّمِين يَان خ شُّمَال نّس. ²⁸ {س اَيْهن بِكمّل أَ لَّا مُوْرِي كَي لكْتَاب حسْبن-ث زَثْ لْمُجْرِمِين.}

 31 ئِي حتَّى رُّوْيَاس ن لْفُقَهَا إِذ لْمُعَلِّمِين ن شَّرِيعَا تْفلَّان خْفس عَاوِذ قَّرَن إِي بَعْطِيَاتُم: "ئِنجَّا وِيِّيط وَلَكِن مَا يزمَّر شِي اَمِيلًا أَ نجِّي إِغْفل نَس! ³² اْݣُوْز-د آ لْمَسِيح آ لْمَلِك ن أَيت-إِسْرَائِيل اَمِيلًا زِثْ اَنَّا زِثْ صَّلِيب-اَذ سمَّا أَ نْزُر أَيْهَاذ أَ نَامَن إِيْدك!" هَامْكَان عَاوِذ عَيَّرِن-ث ئِمَاكَارِن إِهِن أَ يْصلَّبْن إِيْذس.

سِيدِينغ عِيْسَى يمُّوْث

33 كِي تَنْعَاشُ نَ وُزَالَ، تَكُنَّر-د تَمْسِيلَاسْت خ تَرْحَابْت هَامْكَن كَامْلَا حتَّى دَار تْلَاثَا ن لْعَشِّيَا. 34 كِي تْلَاثَا ن لْعَشِّيَا بِيلِي، إِيْلِي، أَمْا سْبَاقْثَانِي؟" لْمَعْنَا ن لْهِدْرَا-يَاذ: "يَا رَبِّي، يَا رَبِّي، دَرَّمْن تْسمْحت ݣَاي؟" وَمَاسَن اللهِ مُعْنَا ن لُهِدْرَا-يَاذ: "يَا رَبِّي، يَا رَبِّي، وَرَّمْن تُسمْحت ݣَاي؟" وَمَاسَن نَان: "هَاو يَتْبَرَّاح خف نَبْي إِلْيَاس." 36 كِي تَسَاعَت اَهن بُدَّا يَان زْكَاسِن بُعْض زِكْ وُهِين أَيْدِطرن دَاس نَّان: "هَاو يَتْبَرَّاح خف نَبْي إِلْيَاس." 36 كِي تَسَاعَت اَهن بُدَّا يَان زُكَاسِن بُعْلَا بَعْض زِكْ وُهِين أَيْدَ عَالَ اللهِ مَان نُواطِيل حَمَّطِين بُكَّا-ث خ يَان وُقْسب يفْكَا-اُس أَ سوْ. يَنَّا: "أَمِيلًا وَتَانِل، يَبْ يَاه سْپُوْخَا يغْتص-اَت کُ وَامَان ن وَاطِيل حَمَّطِين بُكَاً-ث خ يَان وُقْسب يفْكَا-اُس أَ سوْ. يَنَّا: "أَمِيلًا أَجَّاوْت، أَ نُزَر كَا شَا دُّو نَبِي إِلْيَاس شَاتْ بُسَّاكُوْز!"

³⁷ ئِبرِّح عِيْسَى س يَاه تَمْيَا مُوْقَّرْث يرَّا نَّفْس صَافِي يمُّوْث. ³⁸ كِيْ تَسَاعت اَهن ئِقطِّع ارَّوَاق ن تُمزْكِيْذَا تَيْمُوْقُّرْن خف ثْنَاين زِکْ اَنَّا دَار تَرْحَابْت. ³⁹ يَان وُّعَسْكْرِي اَيْمُوْقُّوْر ن اَرُّوْمَانُوْس ئِبدّذ دَاس كُُوْم نّس ئِزَر لْمَوْت أَ يسْكر عِيْسَى ينَّا: "سِّيّد-اَذ بصَّح اَعِيَّال ن ربِّي."

⁴⁰ دَاس شِي ن تِمْغَارَان زَرِّن زَ کِي لْبُعْد، ݣَاسن مَرْيَم تَمَکُْدَالِيت، إِذ سَالُوْمِي، إِذ مَرْيَم يمَّا نَس ن يَعْقُوْب آيْمَزِّين إِذ يُوسِيس. ⁴¹ نِهْمَا ݣَلَّان تْبُوْعن-ث، تْسخَّارن خْفس زْݣَاي ئِكْثِيلٌ كِي تَرْحَابْت ن لْجَلِيل. عَاوِذ حْضَارِن إِيْذس بزَّاف ن يَمْغَارَان وِيَاط زِكْ وُهِين أَ يْعلَّان دَار لمْدِينَا ن لْقُدْس.

طْمُوْرِن سِيدِينغ عِيْسَى

⁴² نْهَار اَهن توجَّاذن إِ نْهَار ن سِّبْت ن نْعِبَادَا. زْݣَاي لْكم-د لِّيل، ⁴³ ئِدَّا-ذ يَان ورْݣَاز قُون-اَس يُوْسف، زَكْ دُشَار ن أَرِيْمَا نُيَا. نَتَّا يَان ورْݣَاز مُهِم بَاين جُّمَاعَا ن لْحُكَّام ن أَيت-إِسْرَائِيل، ئِتْرَجَّاب عَاوذ زَكْ لْمُلْك ن ربِّي. ئِزْعم ئِكْشم دَاغُو أَرِيْمَا نَيْمُو قُرْن بِيلَاطُس ئِطْلُوْب-اَس دَّات ن عِيْسَى. ⁴⁴ بِيلَاطُس ئِذْهش زْݣَاي يسلُّ عِيْسَى دغْيَا يمُّوْث. ئِبرِّح خ وعسْكْرِي اَهن عِيْسَى دغْيَا يمُّوْث. ئِبرِّح خ وعسْكْرِي اَهن عِيْسَى يمُّوْث، ئِسلّم دَّات نس إِيلَاطُس زَكْ وُعسْكْرِي اَهن عِيْسَى يمُّوْث، ئِسلّم دَّات نس إِيلَاطُس زَكْ وُعسْكْرِي اَهن عِيْسَى يمُّوْث، ئِسلّم دَّات نس إِيلَاطُس زَكْ وُعسْكْرِي اَهن عِيْسَى يمُّوْث، ئِسلّم دَّات نس إِيلَاطُس نَكْ وَرُرُو يُوسَف ئِسَعْ لكْفن، ئِسَاكُّز-د دَّات نسج ئِكفّن-ت س لكْفن. ئِسَرْس-اَت كِي يَان وُرُكَّا أَيْحفْرن كَ وُرُرُو ئِسكر غَايَام وُعُوّار. ئِدرْكُل يَان لْحَافَا مُوْقُرْث يَرَّا-آه-يدْ خ وقمُّوْم ن وُرُكَّا يَاهن. ⁴⁷ مَرْيَم تَمَكُلْدَالِيث إِذ مَرْيَم يمَّا نَس ن يُوسِيس رُرِّن اَنَا يطْمُوْر.

سِيدِينغ عِيْسَى يكَّر-د زَى لْمَوْت

لَّ وَ رَكَا يَ يَغْفُوْب قَلُومِي، إِذ مَرْيَم يَمَّا نَس ن يَعْفُوْب قَلُعنْ-ت لَعْطَر بَّانْت-يث اَث دهْننْ إِيْذس. 2 نُهَار لُّوْلِي ن سِّيمَانَا بِكْرِي كِي لفْجَر قلَّعن دَاغُو وُزْكَّا نَس. 3 نُهَار لُّوْلِي ن سِّيمَانَا بِكْرِي كِي لفْجَر قلَّعن دَاغُو وُزْكَّا نَس. 3 تُسَاوَالن إِي بَعْطِيَاثُم خ يُزْرِف قُرَنْ: "شْكَا رَاغْن بُكَّس لْحَافَا خ وقمُّوْم ن وُرُكَّا اَث بُدرْ كُل؟" 4 زُكَا زُرَنْ، وُفَانْ لْحَافَا

يَاهِن هْتكِّس ئِي نَتَّاثَا مُوْقَّرْث بِرَّاف. ⁵ كَشْمِن دَار وُغَوَّار ن وُزُكَّا اَهِن وُفَانْ يَان وُعَيَّال ئِقِّيم خ لْجِهَا ن لِّمِين، ئِسْكر لْبَاس مَلُّوْل قِّيمِنْ دهَّشِنْ بِزَّاف.

⁶ ينَّا-اَسنْ: "مَا يَا دهُّشم شِي! كُنَّا تُعيَّانم خ عِيْسَى نَّاصِرِي أَ لَّا تْصلّب. ئِكَّر-د زِثْ لْمَوْت؛ مَا يلُّ شِي دْهَاذ. ؤُهَاذ ئُهُوْطَع نَس اَنَا ئِكِيلٌ سرْسن-ث. ⁷ اَنْدَاوْث كُنَّا اَمِيلًا دَاغُو لَمْحَاضْرَا نَس إِي بُطْرُس نَّاوث-اَسن عِيْسَى يقلّع دَاوَن ئِكَان لْمُوْطَع نَس اَنَا ئِكِيلٌ سرْسن-ث. أَنْدَاوْث كُنَّا اَمِيلًا دَاغُو لَمْحَاضْرَا نَس إِي بُطْرُس نَّاوث-اَسن عِيْسَى يقلّع دَاوَن ئِكَان لْهُوَار دَاغُو تَرْحَابْت ن لْجَلِيل دَاوَن ئِسَاكُم دَاس. شَا تُوْفِم دَاس غَايَام اَمْكُا يوصَّا-اُون زِثْ قَبْل. ⁸ تِمْغَارَان إِهِن رعْشنْ دَهْشَنْ، كُرْنْ قلّعنْ دغْيَا زِثْ ؤُزْكًا اَهن روْلن. مَا عَوْدَنْ أَيْهَاذ إِ حَدُّ أَزَال نِهْمَا كُسُوْطنْ.

سِيدِينغ عِيْسَى يرتفع دَار أنَّا

 9 {عِيْسَى زْݣَاي يكّر-د زڭ لْمَوْت بَكْرِي نْهَار لُّوْلِي ن سِّيمَانَا ئِظْهَار لُّوْلِي إِ مَرْيَم تَمَكْْدَالِيث تْهَان أَ لَّا يشُوْفغ زْݣَاس سِبْعَا ن لْجْنُوْن. 10 تْقَلّع نتَّاثَا أَ سلْكُوْم لخْبَار-أَد إِ وُهِين أَ يْݣْلَان إِي عِيْسَى، تُوْفَا-هن حزَّنن تْرُوْن. 11 زْݣَا تْعُود-اَسن تَنَّا-اَسن زْرَغ-ث عَايّش، مَا أَمْنن-ت شِي.

12 سْفِير أَيْهَاذ ئِظْهَار-اَسن عِيْسَى س يَاه صِّفَا تَايط إِ ثْنَاين إِسن زْݣَاي ݣَلَان تُوْثُوْن دَار لْبَدِيَا. ¹³ قَّلن-د عَوْدن لخْبَار-اَذ إِ أَيْثُمَا نْسن، مَا أَمْنن شِي إِيْسن.

14 سْفِير نِكْاً يَقِيمن تتن حْدَاش ن رُّسُل نَس، ئِظْهَار-اَسن-د ئِنْهَا-هن أَزَال لْإِيمَان نْسن مُزِّي ؤُلَاون نْسن قسْحِين.
 ݣَالَان نِهْمَا عَاوِذ مَا اَمْنن شِي ؤُهِين اَث ئِزْرن-ث زْݣَاي يكّر زڭ لْمَوْت.

15 ينّا-اًسن: "اَنْدَاوْث دَاغُو دّنْيَا كَامْلاً، بشَّرَاوث لَكُنْنُوْس كَامْلِين س لْإِنْجِيل. 16 وُهِن أَ يْأَمِن شَا يَتْطَهَّار س وَامَان نَتَّا شَا نَجُو. وُهِن أَ لَا مَا يْأَمِن شِي نَتَّا شَا يَتْحَاكُم. 17 وُهِينَات لْعَلاَمَات أَ لَّا شَاد ظهْرِنْ إِيْذ وُهِين أَ يْأَمْن : نِهْمَا اَذ شُيوْن خ لَاحْسَاب لْإِسم ئِنُو اَد سِّيوْل س ئِلسَاون جْدِيدِين، 18 أَ يْرِفْعن لْفُوْعْ س ئِفَاسِّن نْسن. مْكِني سْوَن أَيْنَقْن، مَا يضرّ-م شِي. أَ سرْسن ئِفَاسِّن نْسن خ ئِمَعْدُوْمِين أَ يْشَافن."

¹⁹ ئِسِّيول إِيْسن سِيدِينغ عِيْسَى زْدَاس ئِعَلَّا دَار اَنَّا يقِّيم خ لِّمِين ن ربِّي. ²⁰ نِهْمَا فَّغن بشَّرن مدَّن كِي كُل لْمُوْطَع. سِيدِينغ هَاو إِيْسن، ئِسظْهَار-د لْحَقّ ن ؤُهِين أَ تْبشَّارن س بزَّاف ن لْعَلَامَاث أَ لَّا تبُوْعن-تن.}